


# UKUBYASHA KWA NYALI IYA

## KASHIKA IYA CISHIBILO

### ICA KWISA KWAKWE

 Natotela, Munyina Neville. Tube abaiminina ifi fine pakashita fye mwi pepo, ne mitwe yesu iyakontamikwa. Shifwe uwa mu Mulu, kuli Imwe tulepela amalumbo pali fyonse ifyo amenso yesu yamona na matwi yesu yaumfwa. Kabili tule Mutotela, Shikulu, pantu ukutila ilelo natwishiba ukutila Imwe nimwe umo wine umukalamba Yehoba Lesa uyo wabako lyonse kabili Imwe mwakulaba.

<sup>2</sup> Tule Mutotela pali Yesu Kristu Uyo ulengele ukuti cicitwe ukutila twingabwela mwi senge ilya Bulesa pamo na Imwe nakabili, ukupitila mukusumyo kwa Mulopa Wakwe uwakaele, ukutila ukupitila mu—mukukonsolwela ukwa ulyo Mulopa ifwe nomba tuli abana baume na bana banakashi bakwa Lesa. Tacilemoneka nakalya ifyo tukesaba ku mpela, lelo twalishiba tukapalana Nankwe, pantu tuka Mumona nge fyo Wene aba. Kabili, Tata, cilya e calinga fye kuli ifwe, ilyo lyonse tuli nga Wene, ukwiminina mu musango wa cipasho Cakwe.

<sup>3</sup> Kabili nomba, Tata, tatulefwaya pali ino ora ukupalana ku fintu ifya ili sonde, lelo musangulwe mukulengwa kwa mupashi wesu, ku Mupashi wa Mushilo, pa kutila Wene engesa no kusenda ubumi bwesu mukusakamana Kwakwe Umwine, kabili kuti—kuti atutangilila no kututungulula ku nshiku isho twashalako nasho pe sonde, no kusansabika Ishina Lyakwe.

<sup>4</sup> Tule Mutotela pali ifi fyonse ifi fintu. Kabili no kusubila tulelolekesha ku butandashi Bwenu kuli ifwe muno bushiku ilyo tulongene muno nomba, kabili tulecetekela ukutila Imwe mwalakumanya ifwe nge fyo Mwalaille. Mwi Shina lyakwa Yesu Kristu. Amenii.

Kuti mwaikala.

<sup>5</sup> Ndecetekela cali ni Dabidi uyo wasosele, “Nali ne nsansa ilyo basosele kuli ifwe, batile kuli ine, ‘Natuleya mu nga’nda yakwa Shikulu.’” Kabili tuletasha nganshi mucine ukuba muno muno bushiku, kabili ndeumfwa ili ili ukuba shuko ukukwata iyi nshita iyawama u—ukuba muno, ukulanda na imwe mwe bantu.

<sup>6</sup> Ndepanga amatepu yamo. E ico ndelolekesha fye kunuma mu cipinda ukumona nga ba munyina baleambula amatepu.

Yena—yena nayabikwapo nomba, amatepu yaleshinguluka. Cisuma. Uyu mulimo wa ici, waba, nalilaile ukutuma Imbila, kuti shafuma, ukwambulwa pano pa tabernacle. Nomba ifwe tuli. . .

<sup>7</sup> Kuti natemwa ukusose cintu cimo palwa ino nshita ya lucelo. Ileo, mu cungulo fye, ntile, ilyo twaishilepwishu ukulongana kwa lucelo, icintu cimo calicitike ico nalimo bamo muli imwe tamwaliko kuno kabili tamwaumfwile palwa cena. Naleisala ukulongana, kabili nalelanda ukufuma kuno ku ntanshi, ukulolekesha munyina uwaiminine uku lubali ukuposhanya mu minwe na bantu, uwe shina Iya Munyina Way, eflyo tumwita kuno. Umukashi wakwe ni nashi umusuma uwaishibisha.

<sup>8</sup> Kabili Munyina Way ni umo uwa babomfi bakwa Lesa, kabili ena nao abomba umulimo uwa kushimikila, lelo alikwata ubwite pa mutima wakwe, pa myaka, mwi bala ilya mulimo wa bu minshoni. Ena aumfwile ukutungululwa ukutula Lesa enga muleta kuno no kulolela pali ici cifulo kuno mpaka akapokelele ifyebo na fimbi pa kutula engaya mwibala. Inshiku ishinono isha pitapo, nalelanda kuli ena, kabili twakwete ukulanshanya ukunono na ena no mukashi wakwe.

<sup>9</sup> Kabili mu lucelo, ilyo nacilailandila pa kukwata umwenso, na cisontelela kuli Munyina Way nao ngo wakwata umwenso, ico caba mucine icaseka pakati ka bantu bonse, kabili pa—i—inshita inono panuma ya cilya, Munyina Way acipumwa mukwikatwa kwa mutima no kupona panshi uwa fwa. Kabili nacimona umukashi wakwe, kabili nacimona. . . nalisangwapo ku bantu abengi abalefwa, kabili ine—ine nshilingile u—ukusose ci.

<sup>10</sup> Nalitemwa ukutakisha pali Yesu Kristu na maka Yakwe. Lelo pali ino nshita ndetontokanya tatulingile ukuitakisha pali Wene mu musango uuli onse ku cintu cimo Ena—Ena—Ena tacitile. Lelo nalimona Yesu Kristu ukubusha abafwa, inshita ishing, icapwililika, ba doctor ukupima ukushininkisha.

Nge fi, mu Connecticut ililine fye, mukulongana, twaikela mucikalamba, icakale. . . cimo icapala nge cikulwa icalumbukwa, kwaliko Doctor Barton, doctor Umwinakristu ku ntanshi pamo na ine, doctor wa miti. Kabili kwaliko umusuma umwanakashi Umwinakristu uwaishibikwa, uwaemba, ali umwanakashi umukankala. Ena ali ngo waikele ku kwakuso kwandi. Kabili nalitile umulongo uwa bakupepelwa, kabili nali mwene umwanakashi pa muku fye umo. . .

<sup>11</sup> Ilyo uuli onse, umutima wabo waleka. . . Imwe kuti mwaisala amenso yenu, lelo ilyo mwatenshiwa ku mfwa, ilyo mutima wenu waleka, mucine ifikumbi fyenu filapilibuka, kabili iciputulwa ica buta ice linso lyenu e cisapo. Kabili nalimwene ici ilyo awile panshi. Kabili mukwangufyanya

baitile doctor wa kucipatala, kabili aishile butukila kuli ena kukupima imipemene yakwe, kabili apukwinye umutwe wakwe, abikile indupi shakwe pali ena, ukutwi kwakwe pa mutima wakwe. Kabili ena alifwile. Aliponene panshi, kabili umwana wakwe umukashana ukupunda, ico cacilingenye ukulongana. Nalitwalilile, pantu nshakwete icebo nangu cimo icakwa Shikulu pa mwanakashi. Kabili nalitwalilile.

<sup>12</sup> Balandile icintu cimo palwa kuleta Munyina Branham. Kabili batile, “Tatulefwaya ukumwita mu mulonga uwa ba kupepelwa, pantu ena ali mukulingulula.” Kabili batile, “Leteni Branham umunono,” ulya ali ni Billy. Kabili Billy, pakutila cali umwanakashi uwa fwile, ena talefwaya ukuyako.

<sup>13</sup> Namwishiba, abantu balatunganya umuntu umo nga afwa. Cilya, cilya caba—cilya caba fye icipapa. Tapali nangu cimo palya. Cilya, abantu batontokanya ukuba iceni. Cilya, umuntu tali mulya, abene; bena na bafumamo. Kabili e ico ena ali no mwenso u—ukuya mupepi ku mwanakashi, pantu ena alifwile.

<sup>14</sup> Elyo kabili lilya line fye Mupashi wa Mushilo alandile kuli ine. Nali fumine pa cifulo, ukwenda ukwika pa matabo, no kwisa pantu abelele. Kabili lilya line fye natendeke ukuya kulya ali, Mupashi wa Mushilo alandile kuli ine; kabili natile, “Mary!”

<sup>15</sup> Atile, “Ee, Munyina Branham.” Ena ali fye bwino. Kabili—kabili ena tatala ukutumonapo ifwe. Kabili cali umuku wa kubalilapo mukulongana.

<sup>16</sup> Elyo ku Shawano ililine mu, owe, kuti nasosa, muya fumako, nalimo, imyaka ine iya pitapo, atemwa isano, nalelanda inshita imo iya bushiku uko basungile fyanso. Kabili kulya kwali ibumba ilikalamba ilya bantu. Kabili umwaume umukalamba uwa myaka iya kufyalwa amakumi cinekonse konse, ndemoni, no mukashi wakwe umusuma, bali ni ba Lutheran kucitetekelo, baleya kuli lulya ulukalamba ulwalumbuka ulukuta lwa Lutheran kulya. Ni ndabako ishina lya cena nomba. Kwaba ukulongana ukukalamba nganshi ukwaba Lutheran mu America, pa kulongana fye kwa nshita imo, ukwa ba membala ba lukuta. Kabili cena calo icikalamba kuli ba Lutheran. Kabili ilyo ncili ndelanda, namwene umuntu, umutwe ukuwila kunuma nga *filya* kabili amaboko yakwe yaliwile, kabili aishile kontamina ku ntanshi, na fwa mu cipuna. Kabili umukashi wakwe atendeke ukupunda, kabili aishilepunda, “Umo angafwilishe! Umo angafwilishe!”

<sup>17</sup> Kabili nalilolekeshe. Natile, “Cila muntu ekale fye panshi, beni tondolo.” Mwamona? Nalilolele kuli Shikulu ukumpela icebo. Kabili—kabili ine. . . Satana. . . nali fye mupepi ukupela ubwite bwa ku cipailo, kabili ilya e lintu afwaya fye ukuilangisha.

<sup>18</sup> E ico bushe mwalitala ukumona ilyo mwatendeka ukupela ubwite bwa kucipailo, nangula utunya utunono tulatendeka ukupunda, ne fintu nga filya? Ulya ni Satana. Imwe mwe bali aba bumupashi muleluka.

<sup>19</sup> E ico Shikulu alimpele ishina lyakwe, kabili nalimwitile, kabili ena aishileba no mweo filya fine *fye*.

<sup>20</sup> Kabili luno lucelo ilyo na cilapilibuka, mwamona, kabili nalimona, inshita ishing, Shikulu Yesu ukubusha abafwa. Akanya akanono mu Mexico kafwile pa naini koloko lulyo lucelo, kabili ici cali pakati ka teni na leveni ilya nshita ya bushiku kaishileba no mweo. Kabili—kabili bulya bunte ubwashininkishiwa na bukambone bwakwa doctor ubwa cena, mwamona, ukutila akanya kafwile mu ofeshi lyakwe pa naini koloko lulyo lucelo. Ndetontokanya cali akalaso. Kabili akanya kali no mweo ilelo, ukulingana nge fyo naishiba. Kabili cilya cali ku ntanshi, owe, mwe, amakumi yatatu, ya bantu imyanda amakumi yane.

<sup>21</sup> Elyo kabili mu lucelo nacimona Munyinefwe Way, nge fyo ekele, ena acikala fye kuno kwine nomba. Lelo ilyo acikala mukati *umu* mwine pa cifulo cimo, ena aciminina. Kabili twacilaimba, kabili, “Ubukata, ubukata, aleluya,” no kulaposhanya mu minwe umo no mubiye. Nacimumona ilyo cacimupuma, kabili umutwe wakwe waciya kunuma. Ena, Munyina Way, tapelwa ku fintu ifyapala icintu icili conse icapala ngo kunenuka atemwa ukuya nga filya. Kabili, ena, nacimumona ukuwila kunuma. Kabili nacimona umukashi wakwe, uyo uwaba ni nashi uwaishibisha, ukupima impemene yakwe. Kabili acipunda; ni nshi na kuleka.

<sup>22</sup> Kabili—kabili elyo ndecetekela caciba ni Nkashi Nashi, na mayo muno, nkashi umusweshi uyo wisa ku lukuta, ba mo muli bena bacitendeka ukubutukila ku ntanshi. Kabili nomba ena, Mrs Way, acitwalilila ukulankonkela ela ukwisa kulya kuntanshi. Kabili nancisosa, “Umuntu onse abe tondolo, ikaleni mu fiyuna fyenu.” Mwiesha ukumfwa umwenso muli shilye nshita. Mwamona? Filya efyo Satana afwaya ukucita. Loleleni fye no kumona ifyo Wene alesosa. Nga muntu umo uleya ku Bukata, cisuma, tulingile ukuya inshita imo, takwaba incende iyawama ukucila mu chalici, e ico—e ico kanshi mulya mwine mu nga’nda yakwa Shikulu. E ico kanshi . . .

Lelo umwaume acilapilibuka. Nacitontokanya nalimo icintu cimo cali, ena nanenuka atemwa icintu cimo nacicitika kuli ena, muli ulyo musango. Lelo ilyo nacilolekesha, kabili umutwe wakwe wacipilibuka *ulu* lubali kabili ukumona mukati, iciputulwa ca pesamba ica menso yakwe, ukufuma. Imwe teti mwisale, imwe teti mubike amenso yenu muli ilye mibele; cena mutima ukuleka ukutunta e ucita cilya. Kabili naciya ukuciluka *apa*, kabili ena . . . Kwacibako umo muntu,

umuntu uwa cikuku, acibika i. . . icintu cimo ku mutwe wakwe ukusailapo. Kabili yalya yali palya amolu yakwe, amaboko, ne fintu fyonse, ukuminina. Wena wacileka. Icinso cakwe cali icafita nge koti lyandi, icafitulukila, kabili amenso yakwe yacipilibuka. Kabili nalishiba ukwikatwa kwa mutima. Kabili nalishiba ifyo bacita kabili ifyo yapilibuka; umuntu uli onse uwatala ukucimonapo. E ico nacibika ulupi lwandi pa mipemene yakwe, kabili takwaciba nakabili ukupema ukucila ngo kuli pali ili tebulo. [Munyina Branham akonkonsha pa cintamba ca mbao—Ka.] Takwaciba nangu cimo. Uyu apa umukashi wakwe, nashi uwaishibisha, uwacipima imipemene yakwe. Kabili tamwaciba ukupema mulya.

<sup>23</sup> Elyo, ubushiku bumbi ilyo nali na Munyina Way mukulingulula muno, nalimwene ukutila alikwete mutima uwaletutuma, nangu cibe shani. E ico kanshi natontonkenye, “Ici eco.” E ico nacibika indupi shandi pali ena. Nacisosa, “Mwe Lesa, ndeita, mwi Shina lyakwa Yesu Kristu, umweo wa kwa munyinane, ubumi bwakwe nakabili.” Kabili Shikulu Yehoba alishiba, kabili Baibele Yakwe iyi pano pa ntanshi yandi, cacumfwika kwati, ilyo nacibika ukuboko kwandi pa mipemene yakwe. . . . Kabili nge fyo naishiba nkesa asukilapo pali ici pa Bushiku ubwa Bupingushi nga tecishinka. Kabili cacumfwika kwati ukupema kwakwe kwa citunta iine atemwa imiku isano, mukwangufyanya, wacicita, ntu, ntu, ntu, ntu, ntu; elyo kabili watendeka, ukulaya, *ntu, ntu, ntu, ntu*.

<sup>24</sup> Kabili alcilaesha ukwisula akanwa kakwe ukusose cintu cimo kuli ine. Kabili ukweshu ukwisula akanwa kakwe, no kukoloma, icapala nga filya, ukweshu ukulanda. Kabili acilanda amashiwi, “Munyina Branham.” Elyo cacimoneka kwati kuti abwelelamo mukulala atemwa icintu cimo, kabili nacilolela akashita fye nakabili, nacicecenta imipemene yakwe nakabili; kwacilatunta nga lyonse. Elyo kabili nakabili nacilolekesha, kabili ena acisalolekesha kuli ine. Kabili ena aciba kwati, nalcimona, ukukanaba mubutuntulu; ena tacishiba kuntu aciba, lelo umutima wakwe ukutunta nga lyonse. Kabili Lesa aci bweshemo ubumi bwakwe muli ena nakabili.

<sup>25</sup> E ico ine—ndesosa cilya mukucindamika Yesu Kristu, uyo waba ni Lesa umo wine, ukutila ilyo. . . ulucelo nacishimikila inshita itali sana, ukuya ukuciluka pa nshita yandi, kabili uwanaka no kufungaika. Kabili kuti kwabako ifintu fibili. Ena nalimo acinaka, atemwa ilyo nacilanda palwa kukwata umwenso, te kucita fye—ukubifya fye munyinane, nge fyo twinga cisosa, pantu nalikwete. . . . Nacilalanda pa kukwata umwenso. Kabili ndemona nga kuti naipusha muno bushiku, muli ili bumba lya bantu, “Ni banga muno abaishiba mwalikwata umwenso?” Mupepi fye ukuboko konse kuti kwaimishiwa. Pakutila wingeshiba, Munyina Way, leka nkulangishe fye nga cakutila cena kulingulula atemwa iyo.

Nibanga abaishiba ukutula mwalikwata umwenso, imyeni ukuboko. Lolekesha kulya! Mwamona? Lelo ine—nshishibe nga kulya ukutenshiwa kwandi ukusosa cilya kuli Munyina Way, ukucisenda kwati nalimo nacilamwebaula atemwa icintu cimo, kanshi, ukutula aicisaba muli iyi mibebe, kabili Shikulu Yesu acisamubweshwa.

<sup>26</sup> Nomba ine—nde...tontonkanya ukutula Lesa umu wine uo Paulo uwashila umukalamba aiminineko mu bushiku bwakwe, ukutula ilyo ashimikile inshita itali inshita imo iya bushiku, kabili umuntu aliwile kabili ubumi bwalifumine muli ena; kabili Paulo, ukuya mupepi ukuya pali ulyo muntu, ku nkumbu shakwa Lesa, asosele kwi bumba, “Ubumi bwakwe emo buli.” Ine—ndetontonkanya ukutula cilya cileshininkisha kuli ifwe, atemwa nga tamwatala ukucimonapo akale, ukutula Yesu Kristu aba cimo cine mailo, ilelo, no muyayaya.

<sup>27</sup> Elyo kabili limbi cali ni ci, ukutula nacesha ukutontonkanya pali cena mu cungulo. Ukutula, naciminina kuno, kabili no mutima wandi onse ukumweba filya fine Icine, kabili no kumweba pa mwenso wandi, no kuilandila palwalala, pantu...kabili ukulomba imwe ukupepa ukutula ubuntu bwandi ubwa mukati kuti bwapilibulwa pa mulandu wa bantu, pa kutula ninga cita nge fyo Shikulu acitile. Kabili ukushininkisha ukutula Wene nalyo line ali no kuntuma kwi bala, Wene alekele cilya ukucitika ukulangisha ukutula Wene acili alondapa abalwele kabili kuti abusha abafwa, kuti abusha abafwa. Kabili ndetontonkanya tacali ukucila ukushininkisha ifyo naleshimikilapo, kabili nalepela bukambone pa Bufumu ubwakwa Lesa. Kabili cilya cintu icapalana na cilya ico Wene aebele fye Munyina Roberson kulya, kabili naumo uwaba bwananyina. Nomba ifwe twali Mutemwa pali cilya.

<sup>28</sup> Kabili tuletotela nganshi muno bushiku ukutula Munyina Way ali pamo na ifwe muno bushiku. Kabili mucine Lesa talapwisha na munyinefwe, nga te ifyo nga aciya lelo mu lucelo. Kuliko icintu cimo kuli Munyina Way ukucita. Kabili ndefwaya iwe wishibe, Munyina Way, ukutula luno lukuta lonse, pamo na ine, twakulapepa ukutula Lesa akakulangishe ipange Lyakwe pali iwe no bumi bwa mukashi obe; kabili, lilya line fye ilyo likamonekela, cikakubika iwe mulya. Ndi uwashininkisha Wene akacita, Munyina Way. Kabili ifwe bonse, nga Benakristu, tuli no kutotela nganshi pali Munyina Way. Bushe co cishinka, mwe lukuta? [Ulukuta lwatila, “Ameni.”—Ka.] Kabili tuli no kupepa ukutula ena na Nkashi Way bali no kusanga icifulo cabo muli Shikulu, ku mulimo wabo mu bumi.

<sup>29</sup> Nomba, nakabili, nacilafwaya ukulanda kuli Munyina Way. Nacisa bwangu pakutula ninga landa kuli ena no kusanga

fye ifyo kutontonkanya kwakwe kuli, atemwa cilya icacicitika. Kabili ena teshibe. Mwamona, wacileka fye ukutunta, kabili ena acipona fye no kuya. Epela fye.

Munyina Way acilafwaya no kwipusha nga kuliko umuntu umo mu cikulwa uyo ukaya kulya ku Arkansas, pali Cibili atemwa lyonse ilyo mukesaya, ku—kuli uku kulongana. Nomba, kwena—kwena nalimo kulongana ukunono sana. Cena ba bwananyina abakalongana. Kabili ndetontokanya cikaba kulya kumo ukwapala nga mu mitengo, atemwa icintu cimbi, kulyo kutali. Kabili kulya nalimo takwakabe abantu abengi sana, ine—ndemona, ku kulongana, pantu, mu cishinka, bena tabeshibe ukutila uko ndeya, na nomba. Mwamona? Kabili e ico mwe banandi abekala kulya, cikaba nalimo inshita ya bushiku atemwa shibili ilyo tabalaishiba, nangula abanandi mu Arkansas, balya abanjishiba mukati mulya, bakaba mukulongana. Lelo ngo muntu uli onse akaya, kabili kuti bakwata icipinda ku kuleka umuntu umo ukuya nabo, Munyina Way kuti asekelela ukucicita. Acisosa kukukwata ukubilisha ukutila ena teti abe icisendo pa bantu, ukumusakamana ilyo ali kulya, pantu ena kuti acicita. Lelo ena, nga umuntu umo ali no kuya, kuti caba icishibilo kuli ena ukutila Lesa ali mutemwa, atemwa kuti aba mu—ukuba mubufwayo bwakwa Lesa kuli ena ukuya kulya. E ico imwe bonse mwalimwishiba Munyina Way, uwikele kuno pa cifutu. Kabili ngo muntu uuli onse kuti afwaya, uyo uleya kulya, kabili nakwata incende iya muntu naumbi, ena ali no kusekelela ukucicita.

<sup>30</sup> Elyo kabili pa Cibelushi uleisa ubushiku, Shikulu ngasuminisha, ine ndi—ine ndi nokubwela, atemwa pa bushiku bwa pa Mulungu ubuleisa ulucelo, ntile. Kabili kabili nga Munyina Neville akakwata isukulu lya pa Mulungu, kabili ilyo ikesapwa, ndefwaya nkapange tepu naimbi nga kuti nacita. Kabili nga nshilubile, ndetontokanya nkalalanda pali *Bushe Bumi Bwenu...Bushe Ubumi Bwenu Buntu Bwalingana Ne Mbila Nsuma?* Cilya, cilya ni ci, atemwa, *Bushe umukashi obe...Ubumi Ubwalingana Ne Mbila Nsuma?* Cilya eco ndepilibula ukusosa. *Bushe Ubumi Bwenu Nabulingana Ne Mbila Nsuma?* Kabili ndefwaya ukupanga tepu pali ilya, nga Shikulu asuminisha.

<sup>31</sup> Kabili nomba, muno bushiku, ni mbilisha ilelo ukutila naciba no kupanga tepu. Kabili kacema, nshiletontokanya nga cakutila aci shimikila; bacinjita fye, kabili e ico ukwisa landa kuno kuntanshi. Nomba, kanshi nshashiba...Nomba, nga bena balepanga ama tepu, nga mulemoneka ukuba abanaka atemwa icintu cimo, mulefwaya ukuya panse, beni fye tondolo nge fyo mwinga cita, pantu tatucita...Mwamona, ifi—ifi fyakulandilamo fyaba sana—sana ifya maka, kabili filekata icongo icili conse icinono. Kabili tulepanga, tuleesha ukupanga aya ma tepu kuli bukapyunga bwa calo conse.



<sup>32</sup> Kabili muno bushiku ndefwaya ukubilisha isambililo lyandi nga i...panuma ilyo na—nabelenga Icebo cakwa Lesa, ilesangwa mu Mbila nsuma iyakwa Mateo Washila, icipandwa ca 24. Ica Mbila nsuma ukulingana na Mateo Washila, icipandwa ca 24, kabili lekeni tutendeke nomba pa vesi ya 32 no kubelenga Amalembo.

*Nomba sambilileni umulumbe ku mukunyu; Umusambo wa uko ilyo nomba—nomba wabo uteku, no kulemba amabula, mwaishibo kuti amainsa yaba mupepi:*

*Ifyo fine na imwe, ilyo mukamona ifi fyonse fintu, ishibeni ukuti ali mupepi, ali pa mwinshi.*

*Ndemweba icine cine ndeti, Inkulo ino tayakapite, fikasuke ifi fyonse afiisa.*

*Umulu na pano isonde fikapita, lelo ifyebo fyandi tafyakapite.*

*Lelo ulwa bushiku bulya na kashita kalya takuli uwaishiba, nangu, ni ba malaika ba mu mulu, kano Tata eka.*

*Ifyo inshiku shakwa Noah shali eflyo kukaba no kwisa kwa Mwana wa muntu.*

<sup>33</sup> Nomba mukubelenga kwesu, tulesanga muno bushiku, ilyo tulebelenga, ukutila iciputulwa ca kubalilapo ica ici cipandwa cilebelengwa ukutila abasambi bali Mwitile ku mbali pa lupili, ulupili, kabili batile kuli Wene, “Cishibilo nshi ica kupwa kwa pano isonde? Cinshi icishibilo ca Kwisa kwenu? Kabili nililali kukesaba inshita ilyo ilibwe talyakabe pa libiye, pe tempele?” Nomba Ena aletwalilila no kwasuka. Moneni apa pa vesi ya 1.

*...Yesu afumine, kwi tempele alaya: na basambi bakwe baishileko...ku ku mulanga amakule, ye tempele.*

*Lelo Yesu alibaswike ati, Bushe mwamona ifi fyonse? ndemwebe cine cine nati, Pano tapakashaleko ilibwe pa mulu wa libiye, ilishakaposwe pa nshi.*

*Kabili abasambi bakwe...awe ilyo aikele pa lupili... (njeleleniko)... ilyo aikele pa lupili lwa Miolife, abasambi bakwe baishile kuli Wene ku mbali, abati, Twebeni, ni lilali ifi fintu fikabako? kabili cinshi icishibilo ca kwisa kwenu, ne cakupwa kwa pano isonde?*

<sup>34</sup> Mwamona, balipwishe amepusho yatatu, kabili Wene aaswike amepusho yatatu. “Nililali ilyo kukaba inshita ilyo tapakabe ilibwe pa mulu wa libiye ilishakaposwe pa nshi? Cinshi icishibilo ca Kwisa Kwenu? Kabili inga palwa kupwa kwa pano isonde?” Kabili abengi, ndecetekela, ukuti ifwe fwe babwananyina tulapanga ifilubo pakwesha ukubika filya



fyonse pa Kwisa Kwakwe. Lelo Ena aleasuka amepusho yatatu ayapusana pusana ayo ayaipushiwe kuli Wene. “Nililali kukaba inshita ilyo tapakabe ilibwe pa mulu walibiye ilishakaposwe panshi; nililali ici cintu cikabako? Kabili ni cinshi icikaba cishibilo ca Kwisa Kwenu? Kabili ni cinshi icikabako ku mpela ye sonde?” Mwamona, amepusho yatatu ayapusana pusana. Kabili Ena atendeka ukwasuka limo, palwa ilyo “amabwe tayakabe pa mulu wa libiye.” Elyo kabili panuma ilyo Ena apwisha lilya ilipusho, elyo Ena atendeka, “Icishibilo ica Kwisa Kwakwe.” Elyo kabili aleya mu, “impela ye sonde.”

<sup>35</sup> Nomba tulemona pano cimo pa fintu ifyo ndefwaya ukulandapo muno bushiku, ni u... *Ukubyasha Kwa Nyali Iya Kashika Iya Cishibilo Ica Kwisa Kwakwe*. Kabili twalalolekesha muno bushiku pa nshiku shakwa Noah, “Efyo cikaba pa kwisa kwa Mwana wa muntu.” Kabili nomba ici calinjikete ubushiku bumbi, kabili natontonkenye nalimo kuti naambula ici no kulanda pali ici. Kabili nalilemba Amalemo ayengi pano ayo ndefwaya ukusontelelako, nalimo, kabili—kabili ukubelengamo, panono.

<sup>36</sup> Lelo nomba Shikulwifwe Yesu aipushiwe ili lipusho, kabili Ena alibapele icishibilo ca Kwisa Kwakwe. Elyo kabili lilya line fye Ena asosele ifi, “Imyulu ne sonde fikapita, lelo Icebo Candi tacakapite.” Elyo kabili Atile, “Sambilileni umulumbe wa mu kunyu. Ilyo wabo uteku, mwaishibo kutila amainsa yaba mupepi. E ico ilyo mukamona ifi fintu ukwisa fikilishiwa, atemwa ukulengwa ukumonekela, ishizeni ukutula inshita naipalama. Kabili ino nkulo tayakapite mpaka fyonse ifi fintu fikafikilishiwe.” Ni nkulo nshi? Inkulo iyo ikamona ubusangu ubo twalalandapo muno bushiku.

<sup>37</sup> E ico ilyo tuletontonkanya pe sambililo lyandi, ngo kubyasha kwa nyali iya kashika iya Kwisa Kwakwe, cilenjibukisha ukulolela pa citesheni ce shitima, ukutula ilyo muntu atemwa abantu na beminina, nge fyo ifwe fwe bengi twacita, ilyo twalelolela ukunina ishitima. Kabili ifwe teti tumfwe ishitima, atemwa imwe ukuimona, lelo na mwishiba yena—yena ni nshita. Nalimo ulya ubilisha atila, “Yena na—naicelwako panono. Yena taili filya fine pa nshita, lelo tatwishibe ni lilali, lelo ili no kufika nomba line.” Kabili tuli no kulaenda enda mu citesheni, na maboko yesu mu matumba, kabili ukwikala pama sutikesi yesu, no kuya panse no kuyashita aka mufuko akambalala ishasalulwa, no kulanda kuli i...umuntu umo ukuciluka umusebo. Lelo mukupumikisha fye tulemona icintu cimo ukucitika. Kuli icongo icilebapo mulya mu nyanji. Kabili ilyo twacite ci, akamuponti kalawa panshi, kabili inyali iya kashika ilatendeka ukubyasha. Ni cinshi cilya? Ishitima lili mupepi. Nangula te kuti muyumfwe, nangula tekuti muimone, lelo

nomba ilye nyali iya kashika ilebyasha naulyo muponti panshi filangisha ukutila yena ileisa. Elyo kabili nga mulesubila ukuya na lilye shitima, mulingile ukuposa kalyaka mufuko ka mbalala panshi, ukuleka ifyo mulelanda, ukusenda sutikesi yenu, no kuiteyanya nga te ifyo muli no kushala, pantu yena ileminina fye lilya line fye pa nshita inono. Yena yalaya. Nga muli no kwiminina ukulalanda ilyashi, no mwinamupalamano ukuciluka umusebo, ilino kumisha.

<sup>38</sup> Ifyo caba icapulishamo, kanshi, ilyo tulemona icishibilo cilebyasha ukutila ena ali mupepi! Ishitima ilya kale ilya Mbila nsuma lilino kupita, nombaline. Kabili ilyo tulesoma muno bushiku pali ili sambililo ilikalamba, icishibilo icilebyasha, nge fyo Shikulwifwe aikele pa lupili no kubeba ifi fintu fyali no kucitika, “Nge fyo cali mu nshiku shakwa Noah, efyo cikaba na pakwisa kwa Mwana wa muntu.”

<sup>39</sup> Nomba tulefwaya ukubwelelamo, pa ciputulwa icinono, no kusanga nga cakutila kuti twasanga icintu icili conse muli buno bushiku ico capalana ne nshiku shakwa Noah. Kabili lyena kuti twalanda lyena apo tubelele muli bulya bushiku ubo Shikulwifwe alandilepo, ukumona nga kuti twasanga ukupalanako ukuli konse ukwa nshiku shakwa Noah. Pa kutila twinga cita ici, ndetontonkanya tulingile ukubwelelamo mwi Buku Iya Kutendeka, ku nshiku sha kwa Noah. Kabili nga mwalapilibula pamo na ine, nga kuti mwa cita, mu Malembo, ukubwekela mu Kutendeka icipandwa ca 6, kabili shilya ni nshiku she lyeshi, kabili imikalile ne mibele ya bulya bushiku, Ukutendeka icipandwa ca 6. Nomba, tulefwaya ukubelenga, tumone no kupashanya bulya bushiku na buno bushiku. Moneni.

*Kabili caishile fikelishiwa, ilyo abantu batendeke ukufula pano isonde ponse, . . .*

<sup>40</sup> Ishiwi line ilya kubalilapo liletulangisha ifwe ne inyali ilebyasha mucine cine ukutila ubushiku na bupalama, pantu takwatala akubako inshita mwi lyashi lyonse ilya kale ukutila takwatala akubapo abantu abengi nganshi, kabili ukufula bwangu bwangu, nge fyo twakwata ilelo, mpaka caliba icakosa ukusende ncende iya kwikalapo. Kabili abantu abengi nganshi ukusanda pe sonde, mpaka science itila, ukutila, “Nga yatwalilila sandaneni nge fyo caba, mu myaka amakumi yabili takwakabe icakulya pe sonde ku bantu.” *Readers Digest*, ndecetekela yali eyo, iyalumbwile cilya, ukutila, “Takwakabe nangu icakulya ku bantu abalefula ulubilo sana.”

<sup>41</sup> Kutu twalolekesha mu mbali no kumona ukutila incende isho shaleba iciswebebe shalipilibwilwa mu musumba, kabili lelo nomba inshila iya kucefyako ubufyashi naiya pa ntanshi sana ukucila lyonse. Ndecetekela calilandilwe pali Chicago. . . Ndesubila nshilelumbwila mumbi ishi mpendwa. Lelo mucine

imilandu iyalembwa, amakana amakumi yatatu imilandu iyakuponya amafumo cila nshiku amakumi mutanda, mu Chicago. Imilandu iya kuponya amafumo cile nshiku amakumi mutanda, iyalembeshiwa! Inga pali balya abashatala ukulembesha? Mwamona, muli umo fye ukalamba umusumba uwa mpendwa ba million bane! Inga nomba mwisonde? Kabili lelo nomba impendwa yalifubana sana mpaka cena bena tekuti basakamane na...

<sup>42</sup> India, baleesha ukuba...ukulenga ukufulunganya icilundwa ca buntu ica mwaume, no kubalenga ukuba bacibola, pa kutila abana teti bafyalwe, pantu bena baba—bena bali mukufula sana. Ba million imyanda ine na makumi cinelubali, pali ino nshita, mu India.

<sup>43</sup> Inga pali China, uko impendwa intu ya cilamo, Russia ne fyalo ifingi ifya mwi sonde? “Ilyo abantu batendeke ukufula pe sonde.” Mwamona? Nomba tulesenda ukubwekela ku nshita iye lyeshi.

*...na bana banakashi bafyelwe kuli bene,*

*Elyo abana baume bakwa Lesa bamona abana banakashi ba bantu ifyo bawama; kabili baibulila abakashi... bonse uo basalapo.*

*Elyo Yehoba atile, Umupashi wandi te kuti wikalilile mu bantu mukuluba kwabo, bena bantunse fye: inshiku shabo shikabe myaka u—umwanda umo na makumi yabili.*

*Kabili mwali amapaka mu mpanga muli shilye nshiku; na panuma yabo... abana baume bakwa Lesa baingile...ku bana banakashi ba bantu, na bo babafyalile abana, bene mapaka ayalipo kukale,... abaume balulumbi.*

<sup>44</sup> Owe, ifyo lyaba i—isambililo ilyo tukwete pano! Mwamona? Nomba, cimo pa fintu ifya kubalilapo ndefwaya imwe ukumona, ukutila a—abana baume bakwa Lesa bamwene abana banakashi ba bantu, ukutila nabawama. Nomba nshile...ndesontelela ici kwi sonde lyonse. Lelo takwatala akubako inshita pe sonde, nge fyo ninga tontonkanya, kano fye ilya nshita, ukutila kwalitala ukubapo u—ukuyemba ukwa pulishamo ukwa musango ifi pakati ka banakashi.

<sup>45</sup> Kabili imwe kuti mwaibukisha, bamo imwe mwe banakashi abakalamba, kabili imwe mwe bamo mwe bantu, mwe baume, mwe bengebukisha imyaka ya kunuma iya pitapo, kutila ifyo cali limo limo mwinga sanga umwanakashi uwaemba. Lelo ilelo teti musange nangu umo kano uli uwaemba. Ni pa mulandu wa kutila nabesa pa cifulo ica kuli konse ukwa kubeya imishishi yabo, no kuiwamya, kabili—kabili imisango yonse iya fya kufwala ifya bulalelale ne

fintu. Kuti bailangisha abene mu musango ulya. Elyo kabili cena cili, icintu na cimbi, ukuboko kwa nshita na kucibwekeshapo, ukulingana na Malembo. Kabili abanakashi baletwalililako fye ukuba abayemba.

<sup>46</sup> Kuti naibukisha ilyo nali umulumendo umunono mu sukulu, no kupilibuka no kulolekesha pa bana abanono, ilelo, abakashana abanono abalekula. Kabili kuti nalolekesha, ukutontonkanya pa banakashi ilyo nali umulumendo umunono, kabili ukulolekesha pa bakashana ilelo. Ndeibukisha kuti kwaba umo umukashana uwa lumbukwa, kabili cilya cali ukucila imyaka amakumi yabili na isano iya pitapo, umo mukashana uwalumbukwa, umukashana uwayemba, kabili uwaemba icakutula mu pepi fye umulumendo onse alefwaya ukwenda no uyu mukashana, pantu ena ali ni na mfumu uwe—uwe bumba. Nalimo mu musumba onse, kuti kwaba babili atemwa batatu pali balya banakashi. Nomba icintu fye conse caisaba ukuyemba, bonse fye. Cilya caba ukufikilisha Amalembo, kabili inyali iya kashika ilebyasha ukutula inshita naipalama.

<sup>47</sup> Balipanga ifintu ifyamusango ifi nga mafuta ya pa mulomo kabili—kabili ifya kuiwaminishako, icakutula umwanakashi ushali uwawama sana, ena nalyo line kuti aipanga umwine ukuba uwaemba ku i—fyonse ifya kuisuba pa menso kabili ne—ne fintu ifyo ba cita ku kuilenga abene ukuba abayemba.

<sup>48</sup> Max Factor ilabomba akasuba no bushiku, kabili kwaliba ishingi ishaposwa pa mafuta ayayembesha, mu America, mu mwaka, ku kulenga abanakashi babe abaemba, ukucila isho shaposwa kwituka lya fya kulya. Cilya cishinka. Nindaba niba billion ba ma dollars banga cila mwaka abaposwa pa mafuta ya kuyembesha, ku kuwaminisha abanakashi besu.

<sup>49</sup> Nomba, nshilesosa icintu nangu cimo ukususha cilya, ndemulangisha fye ukutula cena ni nyali ilebyasha iya kashika ukutula inshita ili mupepi. Pantu Yesu atile, Umwine, “Nge fyo cali munshiku shakwa Noah, efyo cikaba na pa kwisa kwa Mwana wa muntu.” Mwamona, icintu cimo cine.

<sup>50</sup> Kabili moneni, “Ilyo abantu batendeke ukufula, abantu abengi. Abana banakashi ba bantu bali weme; kabili abana baume bakwa Lesa balolekeshe pali bena, no kubulapo abakashi.” Nomba, cilya te kulanda kwandi ne mwine. Ndebelenga ici ukufuma muli Baibele, uko Yesu atwebele ifwe ukubwekela ku Kutendeka no kupashanya ishi nshiku capamo. Ukufula kwa bantu, no kuyemba kwa banakashi, nomba cilya cishibilo icikalamba.

<sup>51</sup> Nomba ukusoka, ukusoka kwa kwa Yehoba, vesi ya 3.

*Elyo Yehoba atile, . . .*

<sup>52</sup> Lilya line fye panuma ilyo ici cacitike...Ibukisheni, Umupashi wa Mushilo e walemba Baibele, kabili Yesu alipelwe amaka no mwisulo wa Mupashi wa Mushilo. Kabili Ena alandile fye ku Mupashi wa Mushilo. Kabili Amalembo yalembwa na Mupashi wa Mushilo. Kabili ulya Wine Uyo uwalembele Ukutendeka 6, alitwebele muli Mateo 24, ukwishiba ilyo inshita ikaba mu mpepi, ukubwelela mu Kutendeka 6 no kupashanya cena.

<sup>53</sup> Ukufula kwa bantu pe sonde; kabili lelo nomba ubwingi ubwa kucefya ubufyashi bwa musango ifi, kabili ne fintu fyonse ifilecitika, tabafimona no kufimona. Fyena filetwalilila fye umusango umo wine, pantu tuli ku mpela ya nshita.

<sup>54</sup> Elyo kabili moneni, lilya line fye kwaishileisa inshita ilyo yatile abanakashi bali abawama sana, abayemba sana. Kabili tulepashanya cilya ne ci kabili kuti twacishininkisha.

<sup>55</sup> Nomba, nalelolekesha pa fikope fimo ifya kale sana ilyo ba shifwe, ilyo baabwike mu manika. Kabili te kuti numbule i—ishina lya mwanakashi, lelo ishina lyakwe “lyaliishibikwe” ukufuma ku San Francisco ukushinta—ukushinta ku Boston, pakuba umwanakashi uwa wamisha nganshi mu calo. Pearl White, ndecetekela, lyali lishina lyakwe, pa myaka ingi iyapitapo. Ena alipaiwe ku mutemwikwa wakwe, Scott Jackson. Kabili nga kuti mwa mona icikope ca mwanakashi, pa kuba na mayo uwawamisha nganshi mu calo, teti mutemwe no kulolekesha pali ena. Kutu amoneka ngo mukote kunse uku mu musebo. Pantu, umwanakashi uli onse uo mwinga mona mu musango onse mulefwailamo, kuti aba imiku itatu ukuyembesha ukucila ena, umwanakashi uli onse ilelo uo mwinga mona uuleenda fye mu musebo. Mwamona, cena kufula, ukuyemba kwa banakashi.

<sup>56</sup> Elyo kabili ndasunguka nga cakutula abanakashi besu balamona ici kabili kuti...Ulya e mulandu wine ndefwaya iyi tepu ileya, pakutula—pakutula tamulingile ukubikako ifi... Tulefwaya imwe ukuba abaemba, lelo tulefwaya imwe ukuba mu cifyalilwa. Tatulefwaya imwe ukuba icakuipanga fye. Bamo aba banakashi abayemba, nga kuti mwabatumpika mucipe cakusambilamo pakashita no kubasambika, bena limbi kuti ba moneka abapusanako panono, no—no kubafwika mu musango uo balingile ukufwalilamo. Lelo bena—bena—bena tabacicita, kabili iwe teti ubebe no bupusano. Kabili twalaisa kuli cilya panuma ya kashita. Lelo iyi ni—ni nyali iya kashika ukubyasha.

<sup>57</sup> Kabili ibukisheni, ilyo abantu batendeke ukufula pe sonde, kabili abanakashi baishile wama, cali ni ilya ora, cali ni ilya nshita, ukutula:

... *Yehoba atile, Umupashi wandi te kuti wikalilile mu bantu, ...*

Mulemona ukwikata? Mulemona ukuboko kwa kwa Lesa, “Umupashi Wandu”? abana banakashi ba bantu baliweme; kabili baibilile abakashi onse uo basalapo. Kabili Atile, lilya, “Umupashi Wandu tekuti wikalile mu bantu mukuluba kwabo. Ndi no kumupela inshiku shakwe.”

Nomba vesi ya 4:

*Mu nshiku shilya pali amapaka pano isonde; na pa numa na po...abana baume bakwa Lesa bacitile...baingile ku bana banakashi ba bantu, atemwa—atemwa abana banakashi ba bantu, na—na bo babafyalile abana, bene mapaka ayalipo ku kale...balulumbi.*

<sup>58</sup> Bushe na mumona tayalandapo nangu cimo palwa cupo? Moneni, “Abana baume bakwa Lesa baingile ku bana banakashi ba bantu,” tapali nangu cimo palwa cupo. Kabili nga mwabula mu ci Hela ica ntendekelo palya, ishiwi ifyo lipilibula, litila, ninjikwata pano nalilembwa pano, “umukashi.” “Baibililepo abene *abakashi*,” mu vesi ya 3, “baibililepo *bakashi*.” Mu ci hela, naciimona mu cingulo, yena tayacisosa, “Ukubula kuli bena *abakashi*.” Yatile, “Baibililepo abene *abanakashi*,” te bakashi. Nomba imoneni ne cenu—ne cenu...icitabo ica Emphatic Diaglott, kabili moneni nga cilya tacili icishinka.

<sup>59</sup> “Baibililepo abene *abanakashi*,” te bakashi. Bababilile fye nga filya fine bali, abakwangala fye na bo, nge fyo twakwata ilelo. Mu mashiwi yambi, bali fye abakwangala na bo muli bulya bushiku nge fyo baba ne lelo. Baleenda umusango uli onse balefwailamo, kabili balebula umwanakashi uli onse uo benga bula.

<sup>60</sup> “Kabili ilyo abana baume bakwa Lesa...” Nomba, abengi muli bena basosa pano ukutula balya bali ni ba Malaika abawile, kabili na fimbipo, kabili balya baume na banakashi. Lelo ukubalangisha ukutula cena cilubo, cena mucine cine cilubo, Baibele taisosa pa cifulo icili conse palwa ba Malaika ukuba nalimo umwaume atemwa abanakashi. Kabili, nacimbi, takwatala ukulandwapo—umwanakashi ngo kuba Malaika, muli Baibele, tapaba. Nomba nga mulefwaya Amalembu pali cilya, Mateo 22:20, kabili na fimbipo, kuti mwasanga ifi.

<sup>61</sup> Nomba, cilya, cilya, takwaba icintu ica musango ifi nga malaika umwanakashi. Ulya e mulandu wine ukutula umwanakashi kashimikila... *Malaika* aba ni “nkombe.” Kabili ena ni—kabili ena ni... *Malaika* ni “nkombe.” Kabili takwaba icintu ica musango ifi. Lelo, mulemona, bena balipilibula, ilelo, nge fyo cali lilya. Nomba, ninkwata ifishinka fimo ifye lyashi lya kale ifilembelwe pano, ifyo tulefwaya twiseko mu ma miniti ayanono.

<sup>62</sup> Moneni, abanakashi aba bulya bushiku mu nshiku shakwa Noah, balingile bali ilyashi lya ilya nshita. Mwamona, “abana

baume bakwa Lesa,” Sete, abana baume bakwa Sete, bamwene abana banakashi bakwa Kaini, ukutila bali abayemba. Cinshi? Bali ni mpulumushi, kabili abana banakashi bakwa Kaini. “Iyo bana baume bakwa Lesa bamwene abana banakashi ba bantu, bali abawama, baliibulilepo abanakashi. Elyo abana baume bakwa Lesa baishilewa ukufuma mu ncende yabo na Lesa, kabili baishileba bakatamfya ba banakashi.” Kabili cilya nga tacaba icikope ce lelo, nshaishiba ifyo cili. Cilya cishinka.

<sup>63</sup> Abaume! Nangula lolekesheni ku machalichi yesu ilelo, lolekesheni ku cili conse ico mulefwaya ukulolekeshako, moneni cilya. Ukuli konse, ifyo kwamoneke muli bulya bushiku, cilingile cali abanakashi abayemba. Abaume baishile ba abasha kuli bena, e fyo ilyashi lya kale lisosa, ukutila abaume mucine baishileba abasha ku banakashi, pantu bali abayemba ngangshi, icakutila baishileba abasha. Bena mu butuntulu bapangile ifimpashanya no kufishinshimuna. Kabili, tontontonyeni fye, bena mubutuntulu bashinshimwine umubili no mulopa wa mwanakashi muli bulya bushiku. Lilya lyashi lya kale.

<sup>64</sup> Kabili pashanyeni cilya ne lelo. Cena cintu cimo cine, munyina. Abaume mucine balapepa abanakashi. Cinshi, mucalo cesu fwebene, Muka Kennedy bala mutontontonyapo ngangshi, pafyo Kateka aba. Cilya cishinka. Kabili nga lyonse mulelanda pa mwaume, nga ena nakwata umwanakashi umoneka bwino, cilya eco.

<sup>65</sup> Kabili nomba basosa ukutila palwa kwensha. Mulabomfwa basosa ukutila abanakashi e bakensha abaishibisha. Cilya cilubo, pantu nalamweba umulandu. Billy na ine, ukuciluka uno United States, mu mibele iya kubalilapo, twalibikile ka—ka map akanono muli motoka yesu, akapepala akanono, no kulemba “umwaume” no “mwanakashi.” Kabili cila nshita umwanakashi apangile icilubo, twalibikile akashilwa ku lubali lwakwe; no mwaume apangile cimo, twalebika kamo pa lubali lwakwe. Kabili ukufuma mu myanda itatu, ifyo twita “ukulufyanya,” ifya moneke pa musebo palya, kuti mwapapa. Kwaliko imyanda ibili na makumi cinekonse konse abanakashi, ku baume ikumi limo na pabula. Lelo na mwishiba cinshi? Bena tabatwala cilya mu filye fya bakapokola. Kapokola takakake umwanakashi uwayemba; umo pe kana. Mucine, akasenda inambala yakwe iya lanya, lelo ena takamukake. Kabili ulya e musango fye. Te cakupapa amabuku tayalangisha cilya. Mwamona? Pantu, abaume lelo bali fye nga filya cali mu nshiku shakwa Noah, balafukamina ku cimpashanya ca mwanakashi umusuma. Cilya cishinka. Owe, mwe!

<sup>66</sup> Ifyo caishileba icabipa muli bulya bushiku, ukupepa nge fyo bena, abanakashi, ukuisunsha abene mu musango ulya uwa kutemuna. Kabili nga bali abalinga ukucicita lilya, kanshi eflyo



bali nomba, ndi uwa nsansa nshaliko lilya. Tontonkanyeni pali cena, ifyo kutila bena fye. . . ifyo kutila abanakashi balecita umusango umo wine nge fyo balecita nomba.

<sup>67</sup> Moneni, Baibele itila, “Balelya kabili balenwa.” Nomba, cilya cili—cilya cintu icabapo. Mucine.

“Icupo calicindama.” Umwaume, umwaume ukupa umwanakashi, cilya calicindama, cilya calibikwapo na Lesa. Lelo ilyo caisa ku nshita ilyo umwaume ali no kusenda umukashi wa mubiye, atemwa ukusenda umwanakashi umo umukashana, atemwa umwanakashi umo ukutula te mulandu nga ni nani, no konaula umulapo wa cupo cakwe, kabili ukucite cintu cimo icili icalubana, cena lubembu mu cinso cakwa Lesa. Kabili Baibele ilalandikisha na maka nganshi ukukanya cena.

<sup>68</sup> Nomba moneni, Ilesoso kutila. Icupo, Lesa alibikilepo cilya mu Edene, lelo Wene mucine cine aebawile ubucende. Kabili aba baume na banakashi, muli bulya bushiku, bacilile amafunde yakwa Lesa, no kucibika pa bene beka no kucicita, ifyo fine. Nomba, pashanyeni cilya ne lelo. Lolekesheni kuli cena. Nga mulefwaya ukumona ishitima nalipalama, kwateni ukutontokanya ukusuma ukwashika pali cilya nomba, nge fyo Yesu Kristu uwa cishinka asosele ifi Fyebo. Mwamona?

<sup>69</sup> Kabili moneni, Baibele ilesosa apa, “Balelya kabili balenwa,” Mucine, na banakashi babo abayemba. Nomba, tulemona ukutula cilya cili fye bwino. Ukulya no kunwa, yalya mafunde yamo aya cifyalilwa aya bumi. Ifwe tulingile ukucicita. Lelo ilyo cilya e ceka fye icili mu mano yenu, ilelo abantu baba fye aba bulili, bacakolwa, abanakashi ukunwa mutumatuka utwa kulilamo. Kabili nga mwaya mu ncende umo a—amalwa ne fya kunwa fipelwa, abanakashi balanwa ukucila abaume.

<sup>70</sup> Yesu atile, “Nge fyo cali mu nshiku shakwa Noah, balelya, no kunwa, no kuupana.” Mu masihiwi yambi, balekala na banakashi ukwabulo kubopa. Kabili ilelo, cinshi, cena efyo cicitwa. Balikwete Reno, ukutula kuti mwaupa, no kuleka no kupa nakabili, fyonse mu kasuba kamo. Lelo cilya tacabapo nomba. A—abalume, abo abaitunga ukuba, na bakashi, balasenda imfungulo ishapusana pusana isha mu fipinda muli iyi misumba iyikalamba. Nomba, ndenda. Ine—mba fye mulya mwine mu musumba kabili nalicishiba ukuba icishinka, ukutula umulume alakwata inshiku shakwe, kabili umukashi alakwata inshiku shakwe. Cisuma, cena kufubana ukwa—kwa bubole, mpaka calileta ibumba ilya—ilya tompoka, abananga’ni, ababi, inkulo ileya kumbo.

<sup>71</sup> Imyaka iyapitapo inono, lolekesheni uko umuntu afika, mu mubili wakwe. Lolekesheni apo afikile, ku fintu ifyo acita. Science lyonse ileesha ukupanga icakulya icawamisha,

ukusankanya inyanje, kabili—kabili ukusankanya tomato, ukusankanya ingo'mbe, ilyo filye fintu tafyawama nakalya. Fyena fileipaya abantu, kabili bena tabaleiluka cilya. Cinshi, mu myaka naimbi inono, tabakabe nangu cimo lelo ukuba fye i—ibumba ilyapala nge sabi ilya naka naka.

<sup>72</sup> Imyaka yapitapo amakumi yasano, amangalo ya mupila yalebako nge fyo bacita nomba, kabili tamwatalile ukumfwapo umuntu nangu umo ukucenekwa, lelo nomba balepaya ikumi na babili, atemwa babili, mu mwaka. Umupila uli no kulasa umwaume, ena, tamwaba nangu cimo muli ena ukwikatililako ubumi bwakwe muli ena. Ena aba nga kapanya. Nga wa muma, ena alitompoka sana, ena nafwa.

<sup>73</sup> Ilyo Bob Fitzsimmons alwile na Corbert, ndecetekela balwile imiku umwanda umo na makumi yabili na fisano, inshita imo iya cingulo, ne fisansa ifyabulako nangu cimo. Ilyo balya abaume no kulwa kwa musango filya mu maboko yabo kuti basenda fibili na fine, pa ma inches yane, kabili no kutula cilya ica fibili na fine ukwabula nangu cimo lelo ne fisansa fyeka fyeka. Balesendama ne ndupi shabo muli vinegar, ukulenga ifisansa fyabo fikose. Kabili u—umuku wa ntanshi tawali fye yabili atemwa ama miniti yatatu panshila nge fyo twakwata ilelo. Tabakwete ifya kukaka ku kufwala ku fisansa fyabo, kabili tapali nangu umo uwaipaiwe. Kabili balilwile. Umuku wa kubalilapo cali ukumina limo. Imwe mwali no kumumina limo umwaume. Kabili balwile ukumina limo umwanda umo na makumi yabili na fisano. Bena bali baume. Kabili ilelo bali no kukanya ubwangalo bwa kumana inkonya, ilyo kwabako ubutonge ku maboko yabo kabili ku fisansa fyabo, teti balwe imiku ibili atemwa itatu ukwabula umuntu umo ukwipaiwa. Mulandunshi? Ena alipangwa ukufuma kwi bumba ilya, nshashiba, ifintu ifya naka naka, icintu icasankanishiwa, mpaka inkulo yonse ilefwa.

<sup>74</sup> Bushe Baibele tayasosa ukutila, ukutila bena bakesaba abanakuka nganshi kabili aba mano nganshi? Cinshi, mu mutundu wa bantu bambi abaleisako, bakalaikalila pali pilusi, ukubula pilusi ku cakulya cabo ica cingulo. Bena tababa nangu cimo lelo ibumba ilya bakapepa wa fwaka, ba cacolwa ba malwa, bacende ende mulya banwina, ibumba lya bakapepa we bange, ukulaswa inshindano. Abana abanono mu sukulu, ba bucintomfwa ku ba fyashi; te ca kusunguka, nyinabo kunse mu musebo, ukucite fintu mu musango ena acitilamo, cilabika umwana mu cintu cimo cine.

<sup>75</sup> Abanakashi abaemba ukufuililako; ubumi bwa kwangala ukonaika. Owe, mwe, ifyo caba icintu icikalamba mu bushiku ubo tuleikalamo! Ifyo bacite fi, cena ci- . . . ukupusuka na cilya. Bena tabakapusuke na cilya. Ni cinshi ico balecita? Nga filya fine bacitile lilya, bena balelenga Amafunde yakwa Lesa icakusenteka. Lesa atile, “Mwila cita ubucende.” Lelo bena

balelangisha ukutila kuti baucita, no kupusuka kuli cena. Bena baletontokanya ukutila bakapusuka kuli cena, lelo tabakatale ukucicita. Nalimo mulingile ukwisa, umfweni kuli ici. Huh? Nangu cibe fyoye, Lesa atile iyi yali no kube nshita ilyo inyali iya kashika ikalabyasha. Yesu efyoye asosele.

<sup>76</sup> Nomba ifyoye lwaba u—ulubembu ulo bena balecita, kabili ukuseka ulubembu! Inshita ishingile, ukutila, icintu cine ico iyi Baibele ita icabulalelale, isonde lilaciita ubulumba. Ilyo mwabula abakashana abanono, no kubafulako ifya kufwala fyabo, kabili no kubabika kunse kulya no tuputula utunono, mu matoloshi ne fintu, kabili no kubalenga ukwenda mu musebo, kabili bena batontokanya cilya bulumba ukutila umukashana kuti alangisha umubili wakwe uwa canakashi. Ilyo, Baibele itila cena lubembu, icabipisha! Lelo isonde lilacita ukuba ubulumba. Mwamona, bena balelenga Amafunde yakwa Lesa...Kabili ulukuta talusosapo nangu cimo palwa cena. Yena ni nshita ilyo muntu umo aimine mwi shina lya bulungami, mwi Shina lyakwa Yesu Kristu, no kubika icifwatiko pali ici, pantu inshita imo tukesa asukilapo pali cena pa Bushiku bwa Bupingushi.

<sup>77</sup> Nomba, ici nga cileumfwika ica kale kabili ica bufi, ku muntu umo, lenguleni kunuma imyaka inono kabili lolekesheni ico cilecitika nomba, elyo kabili elenganyeni ku ntanshi. Takuli intanshi lelo Ukwisa kwa kwa Shikulu.

<sup>78</sup> Moneni, lolekesheni aba banakashi abamu nshita ye lyeshi ne li bumba ilye lelo; moneni ifyoye bena bali. Moneni ifyoye abana baume bakwa Lesa bacitile; lolekesheni ifyoye balecite lelo.

<sup>79</sup> Nalikele mu musonkano te kale sana, kabili calengele ine mupepi no kulila, ilyo bonse ba...Cila muntu amoneke ngo waleumfwa bwino ukulanda kwa kwa kapyunga, uyo waiminine ku ntanshi. Kabili nalikele mu cifutu. Kabili kwaliko u—na mayo umukashana uwaishile ingila, kabili ena mucine cine alifwele ububi sana. Kabili aishile aleenda ukupita mukati ka ulu lukuta, ngefyo Baibele isosa, ukumeka ilyo aleenda. Kabili kashimikila onse ku ntanshi, ukubikapo no lukuta, cila umo ukupilibula imitwe yabo no kulolesha, ukukonka uyu mukashana. Kabili natontonkenye pali ili Lembo, “Abana baume bakwa Lesa balolekeshe pa bana banakashi ba bantu,” aba bambu, aba shashila, abanakashi abaemba. Owe, calyonaula inkuta ishingile mutupimfya. Califumishapo Umupashi wa kwa Lesa. Moneni, “Balolekeshe pa bana banakashi ba bantu.”

<sup>80</sup> Nomba ibukisheni, Yesu Kristu uwa cishinka asosele ifi fintu fyali no kuba muli uyu musango muli buno bushiku. Kabili Wene atile, “Ilyo mukamona ifi fintu, ukucitika, lyena mukeshiba ukutila inshita ili pa mwinshi.” Nomba, takwaba abantu abengi abengasosa cilya. Kuli bakashimikila abengi

abashinga sosa cilya. Ena kuti acita, nga ena kuti acita. Lelo nga ena kuti acita, ulukuta kuti lwa mutamfya. Cilya cishinka nganshi.

<sup>81</sup> Lelo ici pano icintu cimo. Ngo muntu alitwa na Lesa, ali no kwikala na ilya Baibele, nshilesakamana ifyo alingile ukucita. Mulingile ukwibukisha ukutula cena Cine. Kabili Icine limbi cilakaka atemwa ukukakulula. Kabili ifi ni filya fine ifyo Yesu Kristu asosele.

<sup>82</sup> “Abana baume bakwa Lesa baliwile pa mulandu wa mimonekele iya yemba ne finso, ifya bana banakashi ba bantu.” Kabili filya ni filya fine fye ifyo twakwata ilelo, icintu cimo cine nakabili.

<sup>83</sup> Nomba, pashanyeni bulya bushiku. Ukufula kwa bantu; abanakashi ukulawaminako; abana baume bakwa Lesa ukuwa; ukupa no kuupwa; imilandu ya kulekana; ukwikala mu bucende; kabili na fimbipo.

<sup>84</sup> “Cinshi” mwatila, “Munyina Branham, pali miniti fye. Nshaishiba.”

Umfwa, munyina, lintu fye taulasosa icintu cimo, umfwa kuli ici. Yesu Kristu atile, ukuti, “Uyo onse ulolekesha pa mwanakashi ku kumukumbwa, na cita nankwe kale ubucende mu mutima wakwe.” Kabili ilyo mwamona... Ilyo umwaume aenda ukufuma mwi ofeshi lyakwe, aenda ukufuma mu lukuta lwakwe, aenda ukufuma mu nga’nda yakwe, afika mu musebo, ni cinshi ico mumona lelo ukulangisha, mu mbali shonse, ukwa mubili no mulopa wa banakashi, imibili iyalandumana, ifinso ifisuma, ukweshiwa. Filya efyo Lesa asosele ukutula fikesa citika. Ilyo cilya cacitike, lyena inshita yali pa mwinshi.

“Nge fyo cali mu nshiku shakwa Noah, ilyo abana baume bakwa Lesa bamwene abana banakashi ba bantu, kabili batendeke ukuibulilapo abene abanakashi.” Mwamona? Mwacimone co.

<sup>85</sup> Nomba moneni. Tulesanga ukutula, icintu cimo cine ne lelo. Tulemona mwi lyashi lya kale, ukutula ukukabila ukwa bulalalelele ukwa musango filya ukwali muli bene, mpaka abana baume bakwa Lesa baipangile abene ifipashanya fya banakashi. Filya fya kwa Venus, kabili na fimbipo. Mwamona? Bena, balipangile ifimpashanya, no kufukamina kuli fyena. Ilyo mulesosa, “Munyina Branham, ta twakwata ifintu nga filya ilelo. Teti tupashanye cilya na buno bushiku.” Njeleleniko. Ndecetekela calibipishapo ilelo ukucila ifyo cali lilya.

<sup>86</sup> Ni cinshi ico tumona? TV. Teti musende nangu lipepala lye lyashi lelo ifintu fyonse ifyo mulemona fyabikwapo abanakashi. Abanakashi abayemba pa cibokoshi conse ica whiskey, muli ba magazine, aba bulalalelele, imifwalile iya

bulalelale. Pali TV, mu fintu fyonse, mwanakashi umo uwa mifwalile ya bulalelale, umo mwanakashi uwaemba. Kabili tulesanga ukutila pa—pa fyakwishibishishako fwaka, ifili fyonse ifyo mwinga loleshapo, muli no kusanga ukutila cena mwanakashi umo utemuna. Teti mumone ica kwishibishako ica nsokoshi sha siliki kano fye cimo icapalanga amolu ayaonda ukwingisha muli ena. Kabili cilya cishinka. Lelo cena ni cinshi? Cinshi cabele fi?

<sup>87</sup> Ndeibukisha umwaume nalebombako, Cris Meisner, kuno lubali pa cifutu. Mwebengi imwe mulemwibukisha Chris Meisner. Umukashi wakwe, Lillian, ishina lyakwe ali ni Lily, ndetontonkanya, umu Ellinger. Kabili ilyo ena... Umwaume alishile kulya. Ali umukashana uwaemba. Kabili umwaume alefwaya ukupoke nsambu kuli ba wishi, ukubika icinso cakwe, icikope cakwe, imimonekele yakwe, pa cibokoshi ca candy. Kabili uyu umukote umu German Lutheran aiminine pa nkasa shakwe, kabili atile, “Kulya ku tuka ine, ukubika icikope ca mwana wandi umwanakashi pa cibokoshi ca candy, ku kusabankanishiwa mu calo.” Inga pali lelo? Ilyo ifipampa fya kusabankanishishapo, nga television, ifintu fyonse ifyo mumona, fyabe fya bulalelale, ukukowela, aba bulalelale, abanakashi aba mimonekele ishalungama. Cilya cishinka. Cena ni cinshi? Ishitima, ilya kale—ishitima ilya kale lili mupepi nombamba. Baibele eflyo ilesosa, ili no kufika nombaline. Tuleumfwa iciunda.

<sup>88</sup> Tulalanda pa fintu fimbi palwa cena, lelo, ibukisheni, uku kubyasha kumbi, kumo pa kubyasha uko kulebyasha ku ntanshi yesu ilelo. Owe, tulemona imibele ya nko; tulemona icimfulunganya ica mapolitiki; tulemona ifyo lukuta luli. Tulashimikila pali fyonse filya. Lelo ici ni cimo icipyia. Cena cintu cimo icishalumbuka sana ukulandwapo, lelo cilingile ukucitwa, pantu kulingile kwaba ishiwi ililebilikisha. Ibukisheni, ifyebo fimo fine ifyo ndesosa muno bushiku fikankumanya pa Bupingushi. Mwamona?

<sup>89</sup> Ilyo namwene uyu mwanakashi te kale sana, mucimonwa Shikulu anangishe, namumwene alefwa. Cilya, teti ntale ukutontonkanya ishina lya ulyo mwanakashi, ena, Marilyn Monroe. Kabili nshatala mumonapo. Nshiya ku bunkolanya. Lelo ine—ine—nali mwenepo umukashana, kabili ali umusuma. Kabili aleesha ukusende cintu cimo; ena alefwa, alikwete ukwikatwa kwa mutima. Kabili Shikulu atile, “Nombamba ukasose ukutila, ‘ena afwile fye pa folokoloko. Taipeye umwine.’” Atile, “Lelo usose kutila afwile pa folokoloko, pantu cali fye ama sekondi ayanono panuma ya folo.” Kabili kulya nalimwene apo bamusangile. Kabili naebele Billy, naebele ulupwa lwakwe, balya abali pamo na ine, palwa cena. Kabili inshiku ishinono panuma ya cilya, cali Marilyn Monroe uwafwile.

<sup>90</sup> Nomba, ilyo nali mu Canada ubushiku bumbi, abana bandi balitwalilile ukunjeba, kulya pa ncende imo uko na mayo atwingishe mu nga'nda, alikwete television. Kabili bena batile, "Kukabako ubwangalo, ubwitwa, Umumana Ushibwelele Numa." Ulya e mu mana ndobamo, inshita fye yonse. Kabili John Smith, umunandi, alaya pali bulya ubulendo. Atile, "Balipangile ubunkolanya ubwa cena." Kabili atile, "Tata, nalimo ukutula Ba Smith bali pa program. Bushe kuti mwatemwa ukulolekesha pali bwena?"

"Cisuma," natile, "Ilyo nkesa bwela ukufuma ku Canada, nga nkacicita mu nshita, nkalolekesha pali cena." Cisuma, ilyo bwangalo bwaishileisapo, nalile kulya ukuya bumona, naile mukubumona. Kabili ilyo nacistile, nani uwaleangala muli bwena lelo Marilyn Monroe. Nomba, ulya ali palya, panuma ya kufwa umwaka atemwa ukucilapo, ulya ali palya afwele umusango wa bulalelale. Lilya lyali palya ishiwi lyakwe, nali lyaline ukumfwika; kabili lyakulaba, pamyaka ne myaka, pali tepu uwaambulwa. Nga ilya tepu iya waambula yalikwata imicitile yakwe, ilyo nga kuti alolekesha kuntu ali muno bushiku... ndesubila alipusushiwa, lelo nshaishiba; cilya ni kuli Lesa. Lelo nga ena kuti alolekesha kunuma, ena tekuti akane cilya. Ena tekuti akane ici, pantu twalickwata. Cipulemo ico Lesa akwata ukusela ukuli konse, imicitile ili yonse, pali tepu Wakwe umukalamba uwapulamo uyo ukabako. Teti tufume muli yena. Yena ili kulya kwine.

<sup>91</sup> Kabili ibukisheni, nga palipo microphone ukubikwa fye pano pene apabelele *ici*, kabili nalebilisha nomba mwi sonde, abantu ukushinguluka isonde kuti baumfwa ishiwi lyandi ilyo talilacila *ici* cintamba kuli imwe. Cilya ni mu malaiti aye—aye sonde.

<sup>92</sup> Kabili na mwishiba, lilye shiwi talifwa. Talyakatale ukufwa. Science eflyo ilanda, "Mu myaka amakumi yabili," nga kuti balunduluka nge fyo bacitile nomba, "Ukutula bakesa ikata ishiwi ilituntulu ilyakwa Yesu Kristu ilyo Ali pe sonde, mu myaka amakumi yabili ukufuma nomba." Pantu, caba ngo kuposa akalibwe akayemba mu cishiba, amatambe ayanono limo mukulekelesha kuti yakana ukumoneka mu menso yenu, lelo science ilanda ukutula yalabwekela ku lulamba lumo, ukuciluka bemba ukuya kuli imbi, kabili ukubwekela na fimbi, kabili yena tayapwa. Kabili nangula ifyabo ifyo mulanda; fikesa mukumanya mu Bushiku bwa Bupingushi, kabili fikesa mwebaula atemwa ukumupususha, kabili imwe tamwakatale ukutalukako kuli cimo ica fyena.

<sup>93</sup> Kabili twalishiba nganshi, filepita fileisa ukupita muno mwine mu cipinda nomba, fyena fikope fya bantu. Nga tamulecetekela *ici*, isuleni television. Kabili kuli amashiwi ya bantu, lelo nomba amano yesu teti yomfwe ifi.

<sup>94</sup> Nomba, balikwata icitesheni ca kutuminako no mulongoti uwa magnet, atemwa umupila, atemwa clustali uyo usenda yalya amashiwi no kuyafumya nakabili. Kabili nomba icintu fye cimo Baibele yaba, yaba ni ci, Icebo cakwa Yesu Kristu ico Wene alandile, kabili Fyena ficili ifituntulu ifya mweo nge cebo icili conse icashala icili mwi sonde muno bushiku.

<sup>95</sup> Nomba, ngo mutima wenu walisambwa no Mulopa wakwa Yesu Kristu, kabili waisaba iciputulwa ica kupokelela ukufuma kuli cilye ciputulwa ica Kutuminako, Wene aba cimo cine mailo, ilelo, no muyayaya, kabili cilacita icintu cimo cine ico Acitile, pantu Icebo Cakwe teti cifwe. Fyena fya mweo umuyayaya. Tabalingile ukusenda icibombelo, atemwa imyaka amakumi yabili ukufuma nomba. Tule Cipokelela ino ine nshita. Nomba, mwacimone co.

<sup>96</sup> Ukwikala muli ubu bushiku ubukalamba ubo tuleikalamo nomba, mupepi no kwisa kwa Mwana wa muntu, kabili inyali ishakashika shilebyasha ukuli konse, isha Kwisa Kwakwe. Tuleshimona mu mapolitiki; tuleshimona mu lukuta; tuleshimona mu nshita; tuleshimona ukuli konse uko tulelolekesha. Tulemona akasuba takalemoneka nge fyo kalemoneka.

Isonde lyalifuma mu cishilwa. Balenjeba ino ine nshita, ku Ncende iya ku Kulyo, ku mulu mulya, ukutila bemba aisa mukuba, ni ndaba ni finga, ukushika ukucila ifyo ali. Bering Strait, kuti mwaenda ukuciluka yena. Nomba, yaba ayengi, ayengi, ama fiti ayengi ukushika, mu Bering Strait. Cinshi? Isonde lilekulilako pakati. Lile cepelako uku lubali uko lyali ilya shika, kabili ukube lyashika ku mulu kuno uko talyashikile. Isonde lyalifuma umupwilapo mu cishilwa. Lyena liletalantanta. Lyena liletenkana. Ifya cifyalilwa fyonse filetetela, kabili ne fintu fyonse ifyo twingamona.

<sup>97</sup> Kabili nomba, muno bushiku, tulesanga ukutila icifyalilwa cine cileleta, mu mutundu wa bantu, icishibilo ca Kwisa Kwakwe; pantu, abana baume bakwa Lesa, kabili na bana banakashi ba bantu ukuba bawama, kabili ifyo baleibulilapo abene abanakashi. Efyo yaba inshita iyo tuleikalamo! Owe, mwe, kabili ifyo cali muli bulya bushiku!

<sup>98</sup> Elyo tulemona mwi lyashi lya kale pali ici cintu icikalamba ica kututumya, pa baume ukupepa abanakashi, kabili tulesanga ukutila ilelo li sonde ilya banakashi.

<sup>99</sup> Nali mu Switzerland, te kale sana, kabili nalelanda kuli. . . Nomba, te kususha Abenakristu besu abanakashi, iyo, mukwai, bena fisamo. Ndelanda kuli bacende ende be sonde. Kwaliko na mayo uwali pamo na ine muli motoka, Munyina Guggenbuhl, kabili na cibusa wakwe umukashana uo aleenda nankwe. Ena mwaume nalimo—nalimo mupepi ne cimo candi, tatala upapo, kabili ena aleenda na namayo umukashana. Elyo



kabili umo pa bakashana ukufuma kulya, kabili ena atile, “Munyina Branham, twebwe pali America. Tulomfwa ukutila, abanakashi kulya lubali, lyena lisonde ilya banakashi kulya lubali, mucine nganshi.”

Natile, “Cilya cishinka.”

Atile, “Lyonse nalefwaya ukuya.”

Elyo natendeke ukulalondolola kuli ena. Atile, “Cinshi?” Natile, “Ee.” Capilibwile amatontonkanyo yakwe lilya line fye.

“Cisuma,” atile, “inga kuti waikala shani ubumi bwa Bwinakristu mu ncende ya musango ulya, kanshi?” Tontontokanya pali cena.

<sup>100</sup> Ilyo naile mu—mu Rome, kabili nali kulya ku San Angelo, mu nshinshi, cena cali ica kustensha. Ilyo nafumine mu hotel nali no kuya kulya uko ilye ncende itwa, “Amakobili Yatatu Mukafukauka,” abanakashi mu musebo, ifyo bali ababulalelale. Abanakashi ukulaisa no kwipusha imwe ukubasenda kumo mukwangala, aba pusana pusana, imishinku, ne mitundu. Kabili ni ndabako ni banga abaishile kuli Billy na ine na Munyina Baxter, ilyo tatulaya kulya ku cishiba, kabili abaume ukufuma ku TWA abo abaletulangisha muli ilye ncende. Natile, “Bushe balya abanakashi balingile ukwikala filya?”

<sup>101</sup> Atile, “Iyo. Ilyo abashilika bali kuno, balibeleshe pali cena. Kabili, lelo nomba, balikwata incito ishi suma, lelo nomba baletwalilila.”

Lelo nangula mu ncende nga filya, ilyo naile ku cifulo ca San Angelo, icishibilo icikalamba icikulu kulya, ukufuma kulya ku Vatican, ico catile, “Icishibisho ku banakashi abena America! Twapapata fwaleni ifya kufwala fyenu ilyo tamulaingila muno no kupela umucinshi ku bafwa.”

<sup>102</sup> Nalimwene umukashana umu American ukwisa mu Paris, uko kwena, mucine, yamo ama fashoni yesu yaleisa ukufumina ku Paris. Lelo ulyo mukashana afwele mu musango uwa bulalelale nganshi, pamo na bawishi kabili na banyina, mpaka abashilikale balya abalebomba kuli ilye ncende babikile ba piki wabo na ba fosholo, kabili balibutukile kulya no kulolekesha pa calecitika, ukumona uyu mwanakashi umwina America alepita.

<sup>103</sup> Twali cilika ku mafashoni. Ni kwisa, caleba ni Paris, lelo nomba balisa kuno ukusenda ubusali, ifiko ifya kowela. Kabili ino nko, uko kupuputulwa kupitilemo fye, ukwa lubatisho lwa Mupashi wa Mushilo, no mutemwikwa Shikulu Yesu ukulangisha ifishibilo Fyakwe ne fipapusho ifya luse, kabili pa kulanda nge fyo cali mu nshiku shakwa Noah, kabili ne nyali ishibleyasha ukufuma ku lubali no lubali. Lesa uwinga busha uwafwa ukufuma pa busanshi bwakwe; Lesa uyo uwingondapa

abalwele; Lesa uyo wingalandila libele ifintu ilyo tafilacitika, no kucilenga ukuba icapwililika filya fine fye, inshita fye yonse, ukwabula ukufilwa. Kabili kuti mwashimikila ku banakashi besu mu America, kabili balabipilako fye cila mwaka. Bombay, ndepilibula. . .

<sup>104</sup> Mu Durban, South Africa, uko kwali bamo abekala calo imyanda amakana amakumi yabili ababungene kulya mukulongana, ilyo icisungusho icikalamba ico Lesa abombele. Kabili nalimwene amakana amakumi yatatu abekala calo abatutu. Abanakashi ukwiminina palya na kasamu ka bulungu fye bweke ama inch yane ukulebela pa ntanshi. Kabili abaume, ukwabula ifya kufwala, akasamu aka ma inch yane. Ubwamba! Ubulangeti ubo balelalapo, umukupo wambushi; balabupela, kuli bena, ilyo bali pa ciimo ca mushinku umo; elyo kabili balekala pali ulya, balala pali ulya, ulya eo bafwala, no kufwa no kushikwa muli ulya, mwicinka ku cifulo cimo.

<sup>105</sup> Kabili nalimwene balya abanakashi, abatutu sana, mpaka umwanakashi afele akanya, ukwikala ama futu amakumi yabili ukufuma apo na belele. Ena tatalile ukuya ku cipatala. Bena kabili umwanakashi alimwafwilishe pali miniti, kabili nalimo ama miniti yasano fyonse fyalipwile. Aimishe akanya no kukekatilila pa cifuba cakwe, pakuti kena konke. Ulyo mututu! Lelo ilyo bamwene amaka yakwa Lesa Impalume ukwisa pa mulumendo uyo walelwala nganshi, kabili ushaletontokanya bwino; kabili ena alimine mu mano aya tuntulu, ukupela amalumbo kuli Lesa; amakana yatatu abekala calo abatutu bapokelele Yesu Kristu nga Kapususha wabo. Cinshi icacitike? Muleibukisha, cilya caba amakumi ubukalamba imiku ikumi ukucila Pentecosti. Amakana amakumi yatatu! Kabili takuli nangu umo. . .

Nalimwene balya abanakashi na menso yandi ne mwine, ilyo bawilile pa mushili, ukonaula utulubi twabo, ukupela ubumi bwabo kuli Yesu Kristu. Bena tabaishibe. Bena nalimo tabatalile umfwapo Ishina Lyakwe, abengi muli bena. Lelo ilyo bafukeme pa yabo—ayabo amakufi, kabili nalibepwishe, nga bali ababufumacumi pali cena, balicipilibwile ukuba filya, ukonaula utulubi twabo. Kabili balyonawile utulubi twabo. Kabili ilyo bafukeme pa makufi yabo no kupela ubumi bwabo kuli Kristu, ilyo ncili ndebapepela, kabili bena baishileiminina. Kabili balya abanakashi baleiminina na maboko yabo panshi, ukwabula ukwishiba ukutila bali ubwamba; lilya line fye ilyo Ubumi bwa kwa Kristu bwakumishe ubumi bwabo, nalimwene balya abanakashi bacilingenye amaboko yabo no kwenda ukufuma mu cinso ca baume. Kabili ngo kukumya kwa kwa Yesu Kristu kuli no kucita cilya ku mwikala calo umututu, ni cinshi ico kulingile ukucita ku nko iyo yaumfwa Imbila nsuma pa myaka imyanda?

Kulya ifwe nomba... Nalimwene cilya. Cilya te cintu cimo ico umuntu umo asosele. Nalimwene cilya. Mwamona? Cena ceni ukutila tulaita fwebene ukuba Abenakristu, kabili cila mwaka tulafumyako ifingi. Kabili amachalichi yamoneka ukukana sakamana nangu cimo pali cena.

<sup>106</sup> Ama program yama TV, owe, ukupanga umubili wa mwanakashi no mulopa... Bena te milungu. Bena te milungu iya nakashi. Lelo yabika America mulya mwine fye pa kutila Amalemo yenga fikilishiwa. America ni mpendwa ye kumi limo na fitatu. Kabili icimpashanya ca America mwanakashi, lyonse fye. Caba pa ndalama shesu. Caba pa fintu ifili fyonse. Kabili nomba cena mucine cine cileleta mu nshita iyo tuli no kukwata umulungu wa canakashi uwa America, na ifwe, te pa tali sana. Imwe kuti mwamona icilembo pa cibumba.

<sup>107</sup> Owe, ni cinshi tuli no kucita? Imwe te kuti mwende nangula ni pa musebo no kusanga... Lolekesheni mu musebo, kabiyeni kulya mu musumba kabili lolekesheni fye ku kuilangisha kwa banakashi, ifyo kutila balaipanga abene ne fya kufwala pali cilya, mu busuma bonse, umwanakashi alingile ukumfwa insoni ukwiminina mu cipinda cakwe afwalilamo muli ulyo musango. Ukwenda kunse mu musebo, akafyenta sana, kabili—kabili nafwala utwakufwala utunono. Kabili—kabili kunse mulya mu ncende basambilamo no tu tunono utu ma kinis, atemwa fyonse ifyo, nabafwala, kabili ifintu ifyapala nga filya. Kabili ukwabula ukwishiba ukutila muli filya mwaliba umupashi uwa bipa. Ilyo, abengi muli bena balemba muli ba kwaya. Filya efyo Yesu asosele ukutila fikacitika.

<sup>108</sup> Imibili ya banakashi! Bena mubili no mulopa. Bena te milungu. Kwitontonkanyo lyandi... Lesa mbeleleni uluse nga ni ndufyanya. Cena cilangisho icakwenda ubwamba. Imwe te kuti mucine mwebaule umwaume, nga ena te mwi—Umwinakristu, lelo uyo uwingawa, kabili ukuwila mu mesho kabili mucifulo ica musango filya ica kutila ena kuti acita icintu cimo ica lubana, mpaka kuti... Amona, ena te kuti aikanye umwine. Cena ca kupapusha ukutila takwaba ukwikatila pa maka ukwingi ukucitika, pantu, ifingi pali cena, abanakashi bali mubwafya ubu. Lelo, nga tacali ifyo, musango nshi mwingebawilamo umwaume? Biken i ukwebaula apalefwaikwa ukwebaula.

<sup>109</sup> Umwanakashi atila, “Nomba, Munyina Branham, na bafye uwakaele nga ine...” Tapali ukutwishika pali co.

Lelo, nkashi yandi, bushe walishiba ukutila uli no kwisa asuka pa Bushiku bwa Bupingushi pa kucito bucende ilyo waibika we mwine kunse kulya kabili abaume balolekesha pali iwe? Atile, “Uyo onse uwalolekesha pa mwanakashi no kumukumbwa, nacita nankwe kale ubucende mu mutima

wakwe, kabili akesa asukilapo pali cilya.” Kabili nalimo imwe tamwacitile umulimo, lelo nga mwasuminisha Satana ukubika ulyo mupashi pali imwe, ilyo, icifyalilwa cine cilingile ukumusambilisha ukutila cilya cilubo! Ukwabula Umupashi wa kwa Lesa, icifyalilwa cilingile ukucita, ukumusambilisha imwe ukutila cilya cilubo.

<sup>110</sup> Ndelandila libela ukutila ili line bakesa isa na cimo ica ifi fintu, likaba fye ibula ilya mukunyu nakabili. Nalilandile kabela cilya imyaka amakumi yatatu iyapitapo. Mwamona, umo musebanya kuli Baibele. Mwamona? Bena bakacicita. Cena kufula pa cintubwingi.

<sup>111</sup> Nomba, ciwa alacita icintu cimo cine ku bana bakwa Lesa ilelo. Kabili cilya cishinka. Lolekesheni ku makwebo yesu. Ayengi amakwebo yesu yatungululwa na banakashi, abengi muli bena. Cilya cishinka. Lolekesheni ku ma chalich yesu, lolekesheni ku nko yesu, ifyo abana baume bakwa Lesa bafukamina nganshi pa fimpashanya ifya ifi fintu, aba banakashi. Ilyo, bena baba, kuli ine, tabacila ukuba bacilende aba cintu bwingi. Cilya cintu ica bipisha ukusosa, lelo cena cishinka icapalwalala. Nalishiba ukutila abantu balomfwa aya matepu ne fintu, bakasose ifi fintu. Lelo musango nshi mwinga cicitilamo? Nga mwaipela mwebene nga filya kabili umwaume alolekesha pali imwe, nge fyo Yesu asosele imwe “namucito bucende” na ena. Kabili ilyo ulyo mwaume akasuka pa kucito bucende, nani uwacitile, bwafya bwakwa ani? Ena mwanakashi uyo waifulile umwine nga filya no kuileta umwine, atemwa ukupela umwine kuli ulyo mubembu. Cilya cishinka. Icishibilo nshi? Inshita ya ku mpela, inyali iya kashika.

<sup>112</sup> Bunacifyashi na bonaika. Inko nashonaika. Nomba nga mulefwaya ukumona apo Yesu asosele cilya, belengeni muli Mateo 5:28. Kulya eko cabelele. Ubwikashi bwa banakashi ebwalenga kabili ukubo musango wa kuwa, pali cilya, amaka ya bulalelale eyabaleta ukonaula. Nga mulefwaya ukufwailisha kunuma, ishi pano inko shimo isho nafwailishe ukuwa kwashiko. Imo yali ni Egupti, Assiria, Rome, kabili nashimbipo, shawile ku maka ya banakashi.

<sup>113</sup> Moneni, takwaba icintu icisuma ico Lesa engapela ku mwaume, kunse ke pusukilo, icawama ukucila umwanakashi umusuma. Takwaba umwaume nangu umo uwinga umfwisha bwino, takuli—takuli umuntu uwinga umfwisha bwino umuntu ilyo bali abanaka, bena tabakashintilile mu uuli onse nge fyo bacita ku bakashi babo bene. Kabili ifyo caba icintu icawamisha imwe ba munyina mwaba ilyo mukwete umunono umwanakashi umusuma uyo waba uwasanguluka kabili uwa cishinka, ne mibeles isuma, kabili imwe kuti mwaisa ilyo mwaba abanaka kabili abafunshika, no kwikala pa nshi kabili ena kuti alanda kuli imwe. Ena kuti acita ifingi naimwe ukucila umuntu uli onse. Cilya cishinka. Ena cisamo. Ena ni na mfumu.

114 Lelo ibukisheni, “Umwanakashi alengelwe pa mulandu wa mwaume; te mwaume pa mulandu wa mwanakashi.” Icibumbwa ica kulekelesha ico Lesa alengele cali umwaume. Umwanakashi bubumbo ufuma ku mwaume. “Kabili ena alengelwe pa mulandu wa mwaume; te mwaume pa mulandu wa mwanakashi.” Bena balifipilibula, kabili abaume bafukamina ku cimpashanya ca banakashi. Cilya e cintu cine ica citendeke pa ntendekelo. Cilya e cacitike mu ntendekelo. Ilyo umwana mwaume wakwa Lesa, Adamu, te kuti eshiwe ukucita cilya icali icalubana, Satana aishile mu muntu uwitwa icisoka, ico capalene no muntu. Kabili kulya eko catendekelo, ukutila Efa aishile fuma kunuma ya Cebo cakwa Lesa, kabili cilya ecalengele ukukalipwa kwa mutima konse, inshinshi ili yonse. Ulubembu uli lonse ulwatala ukucitwapo, lwatendekelo kulya kwine.

115 Ici cili pano nakabili. Cinshi? Abanakashi e balengele ukuwa kwa ntanshi, kabili abanakashi balepwishwa inshita. Ena alicitendeke; ena alecipwishwa. E mulandu wine Baibele itila, “Balya abafulumwike ukufuma mu Sion bakaba icintu ica bukata mu cinso cakwa Yehoba.”

116 Ilyo Esaya 5, ena alilandile palwa ifyo ubulalalale bwa banakashi bukaba mu nshiku sha kulekelesha, kabili ifyo bakaba, ubwingi bwa fya kufwala bakakwata, ifyo bena balingile ukulasakula imishishi shabo, kabili ne fintu fyonse nga filya. Baibele ilalanda cilya, muli Esaya 5. “Ifyo ena akalaenda ne nsapato isha tutende ututali, ukulisha ifinkwingili ku makasa yakwe ilyo aleenda. Kabili ena akafula insokoshi shakwe, kabili ne fintu ifyo akacita; kabili ifya kucinja ifingi, ifyakufwala, ne fintu nga filya.” Kabili itila, “Fyonse filya fikafumishiwako kuli ena, kabili akekala panshi no kununka, ukufuma kubulalalale.” Kabili atile, nangula, “Abanakashi cinelubali bakekata umwaume umo, abati, “Twakula ibombela. Leka fye ishina lyobe linikwe pali ifwe, kukufumya ukusebana kwesu.”

117 Lelo atile, “Ifyo ulyo musambo unono ukaba uwa bukata uo ukafulumuka fyonse ifi fintu! Cena cikaba ‘UMUSHILO KULI YEHOBA’ muli bulya bushiku,” ilyo abanakashi abafyalwa cipya cipya abene bene abatuntulu bakeshiba incende yabo, nangula bakalebaseka, no kubeta abatumpa kabili abakale, ne fintu fyonse. Lelo, citeni ngo mwanakashi, nga na mayo! Iminineni ngo mwanakashi! Fwaleni ngo mwanakashi! Landeni ngo mwanakashi! Ikaleni nga na mayo. Aleluya! Ee. Ameni, cilya cilepilibula, “kacibe ifyo fine.” Mwiumfwo mwenso. Cena tacamucene. Cisuma.

118 Icebo icakwa Yesu Umwine calisosele ico cikesa citika, cilya icilangisho icikalamba.

119 Nakabili Atile, “Mu nshiku shakwa Loti.” Nga mulefwaya

ukulemba lilye Lembo, lyena ni—lyena ni Luka 17:28. Atile, “Bena balelya, ukunwa. Baleshita. Baleshitisha.” Nga lyonse, ifi fintu filingile ukubapo. Lelo moneni. Kabili—kabili cilya e co baikele, lelo babikile fyonse i . . . amano yabo pali cena.

<sup>120</sup> Kabili mu nshiku shakwa Loti, abanakashi baishile bipisha, mu mikalile yabo, mpaka tabalebomfiwa nge fyo abanakashi balingile ukubomfiwa, lelo balipondamikwe, mpaka bena . . . Caishileba icaseka nganshi, ukutila abanakashi baishileba abaseka nganshi icakutila, bena—bena, abaume baile na baume banabo. Ukupilibulwa ukwa cifyalilwa ukufuma kutubulungwa utwa bulalelale twapilibwile icifulo catuko, pantu ukutila abanakashi baishileba ifyafye.

<sup>121</sup> Inshiku ishinono ishapitapo nali kulya, ku Tucson, naile mukushito mukate. Kabili kwaliko umulumendo umo uwaikele kulya, kabili na balumendo abanono muli motoka. Umo alishile ukushita paketi ya fwaka. Umwaume umukote uwa mishishi sha mfwil aolekeshe panshi, atile, “Inga yi fwaka yabani, ba noko?”

Atile, “Iyo, ya ulyo mulumendo.”

Atile, “Bushe ena mukalamba uwalinga ukuikwata?”

Atile, “Ee, mukwai.”

Aolekeshe kunuma nga filya. Kabili naliminine no mukate no mukaka unono, ukulolesha. Kabili alile, atile, “Cisuma,” kabili aliupele kuli ena.

Aolekeshe kuli ine, kabili atile, “ndetwishika cilya.”

<sup>122</sup> Natile, “Ena teti abe umukalamba uwalinga ukucicita. Ena ali fye . . . Ena tali umukalamba uwa linga pa cimo icili conse.”

Atile, “Nalasuminishanya na iwe.” Atile, “Bushe iwe—bushe iwe walikwata inshita iya kosa ukweshu ukuileka?”

<sup>123</sup> Natile, “Nshatalile ukuipepapo yena.” Natile, “Nshatalile ukuipepapo.” Natile, “Abafyashi bandi balepepa kabili balibomfeshu fwaka, lelo Shikulu Lesa alinsungile ukufuma kuli yena.”

<sup>124</sup> Alipilibwike no kulolekesha kuli ine mu musango uwa ibela, kabili atile, “Cisuma, ndetontokanya ni nsoni isha bubole lelo, ukumona ifyo . . .” Batile, “Caleba, twalibika abanakashi pa bucindami.” Atile, “Ifwe twale mucindika ena. Twafulile ifisote fyesu mu cinso cakwe. Twaleenda mu musebo, kabili abaume kuti ba umfwa umuntu umo ukulanda icishilingile pa mwanakashi umo, bena kuti ba mutoba ulupi.” Mwamona? Kabili batile, “Bena balecindika abanakashi.” Lelo atile, “Mukwai, abanakashi na bailetelela abene.” Atile, “Nomba tabema. Bena baleminina; muli motoka ileenda, na mayo nga afuma, umwaume onse kuti afulako icisote cakwe no

kuleka ena ekale panshi.” Atile, “Nomba caba ukusunka, ibumba!” Atile, “Baliiletelela abene beka.” Kabili cilya cishinka.

Cilya cilindi cakwa ciwa ica Hollywood kulya caishile cileta pali television naba magazine, mpaka icintu caisaba impoto ikulu ikalamba iya fiko. Cilya cishinka.

<sup>125</sup> Ni njishiba ilya te nsoselo iyalumbukwa, lelo yena ni nsoselo iya cine. Cena Cine. Cena Cebo cakwa Shikulu. Kabili na cimbi cishibilo ca kusoka ukutila Kristu ali no kwisa muli ino nkulo. Atile, “Abo abakamona ici ukufikilishiwa, tayakapite mpaka fyonse ifi fintu fikafikilishiwa.” Atile, “Imyulu ne sonde fikapita, lelo Ifyebo Fyandi tafyakapite.” Cena kusoka. Inyali iya kashika ilebyasha; ukwisala kwa cipembe. Ifwe tuli kumpela ya nshita.

<sup>126</sup> Tulemona ifishibilo fyakwa Shikulu Yesu ukundapa abalwele, ukubusha abafwa, ukutamfya imipashi ya kowela. Ifwe tulemona aba—abantu ukulengwa abashila kabili aba mushilo, ku Mupashi wa Mushilo. Tulemona imyeo ukupilibulwa. Tulemona ifishibilo ifikalamba. Tulemona ifishibilo fyakupapusha mulwelele, ifyapala nga ifyela ifilepupuka. Pentagon, abantu abengi ukucibika pali television, ukulemba pali cena. Bena tabeshibe pa fya kutontonkanya pali cena. Imisango yonse iya fishibilo ifya kupapusha! Shikulu Yesu ukwika mu musango wa Ntumba ya Mulilo, ukukwata icikope Cakwe ukukopwa, ukwikala pakati kesu, ukushininkisha ukutila Ena aba cimo cine mai- . . .

<sup>127</sup> Tulemona fyonse ifi fintu ukucitika. Tulemona ukutalalilwa ukwa lukuta. Tulemona ifilonganino ukufula. “Ilyo mwamona umukunyu, kabili ne miti imbi iyashala ukulemba amabula ya iko,” abaYuda kubwekela. “Umuti wa mukunyu,” abaYuda ukubwekela ku nko yabo, icalo cabo abene. Tulemona ba Presbyterian, ba Methodist, ba Baptist, ba Lutheran, ba Pentecostal, yonse amacalichi, “ukulemba ama bula ya buko,” *ukupuputulwa*. Atile, “Iteyanyeni! Ilya e nshita.” Ilyo tulemona cilya ukwisa fikilishiwa, lilya e lintu Lesa ali mupepi no kwita Abasalwa Bakwe. Kanshi ilyo imwe . . .

Icishibilo cimbi. Atile, “Ilyo mukamona abanakashi ukutendeka ukuba abawama sana, ilyo mukamona abana baume bakwa Lesa ukuibulilapo na bakashi, kabili ukuibulilapo abene abakashi, kabili ukucita *ici*, *cilya*, atemwa *icibiye*,” atile, “ishibeni ukutila cilya e cishibilo.” Pano epo tubelele.

<sup>128</sup> Nomba, icintu cimo cimbi na cilemba. Ibukisheni abana banakashi babili abakwa Loti. Ee, tulebukisha cilya, mulya mu musumba wa mu Sodomu. Yesu atile apa, muli Luka 17, “Nge fyo cali mu nshiku sha mu Sodomu.” Ibukisheni, ukutila,



abaume balibabomfeshe nganshi abanakashi mu musango uwa kutila mpaka imicitile iya cifyalwa iya bumi tayakabilwe nakabili. Kabili, owe, cena cintu cabipa ukusose ci ukufuma ku ntanshi, lelo ici ni. . .Nga kwalitala ukubako Iceine, cilingile ukufumina kuno. Kabili cintu cabipa sana, ilelo, mpaka kwaba imyanda mishila ukubikapo imyanda iya bona, ukufuilako ukuli konse, ukupponelamikwa, abena Sodoma, nge fyo cali muli bulya bushiku. Pantu ukubomfya kwa cifyalilwa ukwa muntu ku kuifyala abene pe sonde kwalicitwa mu nshila iyabipa sana, kabili kwalifumapo mu musango kwacita, mpaka ukukabila ukwa cena kulefilwa mulubilo. Nalasosa, mu myaka imbi ikumi limo atemwa ikumi limo na isano cikacilapo, mupepi, umusango kulefulilako nomba.

<sup>129</sup> Ilyashi likalamba. Nalikwete icintu cimo ukufuma kuli Edgar Hoover pali cilya, lelo nshaishiba. . .Nacitontokanya ukutila ninkwata lyena pano, lelo nshikwete, pa fyo basosele palwa cena. Kabili nomba tulesanga ukutila ifi fintu. Owe, mwe!

<sup>130</sup> Yuda, mukakwe akanono, Ibuku ilikulu, ndelita, mu vesi 7, lekeni fye tulibelenge. Ndefwaya ukubelenga ici. Yuda, iya 7. Ili li Buku Iya kulekelesha ilyo tatulafika kwi Buku Iya Kusokolola. Ni njikwata pano, Yuda 7, vesi 7. Umwaume no mwanakashi ukuleta umulapo wa cupo, ukuutobaula, ukukonkelela fye shiku! Umfweni.

*. . .na Sodomu na Gomora, ne mishi iya shingulukako, pa kuipela abene kuli bucilende, . . .no kukonke fye shiku, . . .(Mwamona? Owe.) bucilende ukukonka ifye shiku baimikwako ica kumwenako, mukucula, kabili icilandushi, kabili umulilo uwa muyayaya. Cilya e kutila, ukupwishiwa umupwilapo kabili no kufumishiwapo.*

<sup>131</sup> Kuno inshita imo iyapitapo, mu Los Angeles, nalelolela, atemwa nali kulya mucibansa. Naleensha mu musebo. Kabili u—umunono na mayo, uwaemba umukashana umunono, uwaemba sana, aleenda mu musebo. Kabili natontonkenye, “Ena alingile aleya ku cilangisho.” Kabili alikwete akakufwala akanono pa ntanshi, nalimo fye—nalimo ama inch mutanda atemwa cinekonse konse mubutali ukucilinganya pa ntanshi yakwe, kabili akanono aka ma inch yatatu atemwa yane ayatumasenkebele ayalelebele. Kabili ukufika pa mulu pa mubili wakwe, akaputulwa akanono, apalinga fye epo mwinge susha no kufimba cilye ciputulwa ica cena mulupi lwenu, ukulebelela ukucilinganya pali ena nge ifi. Nafwala ne cisote cabakacema wa ngo'mbe, kabili ne nsapato ishakwete amasenkebele kuli shena. Kabili uwakutemuna nganshi, kuti namona uko mulumendo uuli onse alekaka ama buleki na fyonse fye, ukwiminina kuli ena, aleya aleisunsha mu musebo.

<sup>132</sup> Kabili nali mupepi no kukonekela ku cibansa cakulonganinako, kabili nalile ukutonta ku cibansa cakulonganinako. Kabili natendeke ukukoneka, ukubwekela kunuma. Natontonkenye kuti na iminina, no kusosa, “We mukashana, ndefwaya ukulanda kuli iwe mwi Shina lyakwa Shikulu Yesu Kristu. Nangula wingaba umukashana uwaemba, tapali no kutwishika pali cilya, nangula naukwata umubili uo limbi nalimo. . .Iwe, ulefwaya ukumfwa amabuleki ukulila. Bushe uleiluka ukutila ulyo mupashi ulelenga iwe ukucita cilya ukukakutwala kumbo kwa kwa ciwa uko kacula mu nshita shonse ishili no kwisa? Bushe uleiluka ukutila uyo uwaemba, umubili uwapangwa unono, kabili nayo amasaya ayabikwa bwino ne mishishi, kabili na fimbipo, ne milomo iyakashika, nalimo mu—mu myeshi imbi mutanda imititi ikalaendamo kabili ukufuma muli ulyo mubili uwapangwa bwino, mukati umu mu lukungu? Kabili ulyo mweo uwaikala mulya, ilelo, ukaba mukucushiwa kwa kwa ciwa.”

<sup>133</sup> Elyo icintu cimo calinjiminike, kwati fye Lesa kuti asosa, “Nga wacita cilya, bakakwisalila kulya mu cifungo.” Mwamona? Mwacimone ci. Elyo naishilemona Billy ukufuma no kuncubusha, cali ni nshita iyakwisa. Nalibomfwile baleimba *Cetekelal Fye*.

<sup>134</sup> Owe, mwe! Inga bantu kuti ba balowa shani mu fintu fya musango filya? Ni pa mulandu wa kutila balasula Icebo cakwa Lesa.

<sup>135</sup> Kabili icintu cimbi, ni ba bakapyunga kunuma ya cintamba, abo abaampana no tu tubungwe, abo ababelengele Cilya kabili balishiba Cena, balabakanya ukusosapo icintu icili conse palwa Cena, pantu bakatamfya ulukuta lwabo ukululatalusha ukufuma kuli bena lilya. Kabili ama chalichi yalefwaya ama membala. Lelo Lesa alefwaya aba mushilo abafyalwa cipya cipya aba kwa Lesa uwa mweo, abo abali no kubalika nge ntanda. Lesa twafwilisheni ukuba aba bufumacumi kabili no kulanda Icine, ifyo Yesu Kristu asosele. Lelo bulya e bushiku tuleikalamo. Filya e fishibilo ifyo Yesu asosele ukuti fikaba, kabili tulefimonu ku ntanshi fye yesu.

<sup>136</sup> Lolekesheni nomba, kabili Yuda icipandwa ca 7 nakabili, “Sodomu na Gomorra.” Owe, mwe, ifyo caba icintu icabipa! Ukukana uupa abanakashi, “ukucite fye shiku.” Umwaume uyo waupa umukashi wakwe, bena bali—bena tabali nakabili babili, bena bali umo. Kabili umwaume uyo uli no kuya no kwenda no mwanakashi umbi, ena lilya line fye alaiapatula umwine ukufuma ku mukashi wakwe. Kabili umwanakashi uyo wenda no mwaume umbi, ena untu wafwa ku mulume wakwe. Ena nakana umubili wakwe umwine; ena naputulwako ukufuma kuli ena. Cilya cishinka. Mu Bushiku bwa Bupingushi, akasukilapo pali cena.

<sup>137</sup> Lelo ilelo tabafwaya ukumfwa Imbila nga ilya. Abantu tabafwaya ukumfwa Cilya. Bafwaya ukula batekunya matwi. Filya fine fye eflyo Mupashi wa Mushilo ubushiku ilyo nabikile lilye libwe lya pa cifutu palya, atile uku:

*Bile cebo; cincila inshita iyene, ne nshita ishiyene, . . .*

*Pantu ikesa inshita ilyo bakakana ukusambilishiwa isambilisho ilituntulu; lelo bakailonganisha bakasambilisha, umwabelo lunkumbwa lwabo lwine. . . pa kuba aba pepula amatwi;*

*. . . kabili bakataluka ukufuma ku cine, no kwalukila ku milumbe.*

Atile, “Ilyo icimonwa caleka, ubelenge Timoti Wacibili 4.” Atile, “Wilabako, Timoti Wacibili 4!” Kabili ilyo icimonwa cafumine pali ine, ukwiminina palya pene pa Musebo uwa 7, umulumendo uwa myaka ikumi limo na pabula ukwiminina palya, Ishiwi lyakwa Lesa lyalilandile mu cipinda, kabili Atile, “Timoti Wacibili 4.” Cilya ni filya fine e caisa citika. Mwamona? “Inshita ikesa ilyo bakakana ukusambilishiwa isambilisho ilituntulu.”

<sup>138</sup> Abantu bafwaya icintu cimo. Ba Pentecostal bafwaya icintu cimo ico cingabapampansa panuma, no kwikala umusango balefwailamo. Kabili kuti balisha piano ulubilo sana mu kashita akanono, no kutoloka toloka, no kushana pali cena; kabili abanakashi ukucita umusango balefwailamo, kabili abaume umusango umo wine. Ba Prebysterian, Methodist, Lutheran, na ba Baptist, mwaliba abantu abengi aba bufumacumi muli tonse tulyo tubungwe. Cilya cishinka nganshi. Lelo ilye mibombele yalibakaka nganshi, mpaka batontonkanya ukutila cikulu fye bali kuli lulyo lukuta, kabili ishina lyabo lili pali yalya amabuku, ukutila bena bali no kuya ku Mulu. Ishina lyenu mwi buku pano pesonde, tacipilibula *kantu* kuli Lesa. [Munyina Branham alisha umunwe wakwe—Ka.] Inshina lyenu lilingile ukulembwa Mwi Buku ilya Mweo ilya Mwana wa mpaanga, no Mulopa wakwa Yesu Kristu, ukwishiba ukutila imembu shenu na shilekelelwa. Cilya cishinka.

<sup>139</sup> Lelo bafwaya ulyo musango. Ulya e musango wa ba kacema bafwaya mulya. Tabafwaya cimbi icashala. Kabili ilyo Lesa muli shino nshiku sha kulekelesha alisunkanya icabupe icili conse ica bulesa ico ca suminishiwa muli iyi Baibele, ica bupe icili conse ico Yesu Kristu alaile, icabupe conse, kabili icishibilo icili conse, kabili icishibilo icili conse ica nshita ya kulekelesha. Icintu conse icalailwe muli Baibele, kulingana nge fyo ningamona, ne mwine, nacasunkanishiwa ku nko, kabili yena ileya ukutonta kumbo na maka nganshi nge fyo inga cita. Bebeni? Bali no kutwalilila, nangu cibe fyo.

Lekeni fye nsendeko na yambi Amalembu ayanono pano ilyo nshilaisala. Cisuma, Owe, “Ukubikwa kukonaulwa ukwa Muyayaya,” bena eflyo baba, e fyo Baibele yasosa.

<sup>140</sup> Ino nko yaba muli uku kubola kumo kwine. Ubu bwine ububole bwafyakangala, ino nko yaba muli bwena muno bushiku. Mwalishiba cilya. Cena tecakusekesha. Cena te kashimi. Cena Cine. Ukutendeka 6:12, “Abantunse bonse balyonaike, umuntu aendele mu mibele yakwe umwine,” mu matontonkanyo yakwe, ukusula amafunde yakwa Lesa. Ulya e musango umuntu acitilamo ilelo. Umuntu tafwaya ukumfwa Icebo cakwa Lesa. Abantu tabafwaya ukumfwa Cena. Bena bafwaya ukwenda mu nshila yabo abene.

<sup>141</sup> Yesabele alikene ukumfwa Icebo cakwa Shikulu. Ena talefwaya ukwita ulyo mukote kashimikila ushalemoneka bwino, Eliya, ukuba kacema wakwe. Lelo ena ali ni kacema wakwe, nangu cibe fyo. Cishinka. Lesa ali mutumine, kabili alibilile imbila yakwe. Nangula tali uwasambilila, tabaishiba uko afumine atemwa uko aile. Ena aishile monekela ne Cebo cakwa Shikulu. Alitumine imbila yakwe, iyo ashimikile, kabili aebawile icintu conse icaliko, icaleitwa ulubembu. Ulya, ulya Yesabele mupya, alipilibwile no kulowa abantu ukupitila mu buloshi ubwa maka yakwe mpaka inko yonse yalyonawilwe, kabili Eliya aliminine eka kulya pa lupili. Lesa atile, “Eliya, witontonkanya fyo. Ninkwata amakana cinelubali kulya abo abali aba bufumacumi mu mitima yabo, na nomba.” Kulya e kutinta kwa cibili kwakwe, kabili ica citatu calibwelele kuli bena.

<sup>142</sup> Lelo ibukisheni, Lesa ali uwaluse, kabili Ena—Ena... Kabili imbila yakwa Eliya yalyebawile ilya nkulo iya bulo kucetekela. Imbila yakwa Noah yalyebawile ilya nkulo, kabili yaletetele ubupingushi pali balya abakene ukuyumfwa, nokupokolola kuli abo abaicetekele. “Kabili nge fyo cali mu nshiku shakwa Noah, eflyo cikaba mu kwisa kwa Mwana wa muntu.”

<sup>143</sup> Ukutendeka 6 ukusula amafunde yakwa Lesa! Bena basosa, “Amafunde yakwa Lesa?” Icebo cakwa Lesa citila ilelo, muli Baibele!

Nomba umfweni, nshilesosa ici ku muntu uli onse. Ine ndi fye no mulimo, nga mu nyinenwe. Ndi no mulimo uwa kumweba Icine conse, nge fyo Paulo Washila umukalamba asosele ilyo talaya, “Nshakwindile ukulanda kuli imwe amapange yonse ayakwa Lesa.”

<sup>144</sup> Nomba, Baibele itila, ilelo, ukutila abanakashi tabalingile ukubeya imishishi yabo. Nshilesakamana ni banga bakashimikila abasoso kutila cilya cili fye bwino; cena cilubo. Nshilesakama ma chalichi yanga ayeminina pali cilya; Baibele icili ilesoso kutila cena cilubo. “Cena cansoni kuli ena ukucita

filya.” Lelo bena balatwalilila ukucicita, te mulandu, ukutwalilila. Ni finshi ifyo balecita? Mu mano yabo abene, ukuilenga abene ukuba abayemba, bena batontokanya ukutila bali yemba.

<sup>145</sup> Icebo cakwa Lesa cilasoka, ena talingile ukucita ifi fintu. “Ena talingile ukufwala ica kufwala, atemwa itoloshi, atemwa icintu icili conse ica kuma ku mwaume,” lelo ena aletwalilila umusango umo wine fye. E sheni ukumulesha?

Eico, “Ni cinshi ico ulebilikisha pali cena kanshi, Munyina Branham? Ni kwisa uko uleya? Cinshi, abantu balikutemwa nganshi nga iwe kuti. . .” Nshilesakamana cilya, ndasakamana ifyo abantu batontokanya. Nomba mwing’umfwila mumbi. Lelo nalitemwa mu fyo Lesa atontokanya, kabili *Ici* e Cebo Cakwe.

Ee, mukamwebe ukutila cena cilubo ukucita cilya, ena akatwalilila fye ukuya pantanshi no kucicita, te mulandu. Mwamona? Cinshi? Abanakashi mu Bwinakristu bonse balacita ifi fintu, kabili ulukuta lumoneka ukukanasakamanapo icintu icili conse palwa cena. Cena ni cinshi? Abana baume bakwa Lesa baliwa ku lunkumbwa ulwa mibili ya banakashi no mulopa, no kukana Lesa wine no Mulopa ifya bashitile, ku kubapatula ukufuma kuli filye fintu ifya kowela. Amen. Cilya Cishinka. E ico ngafwilisheni Lesa, cena Cishinka.

<sup>146</sup> Esheni ukumulesha? Muletontokanya ukushimikila kwa kwa Noah kwalikwete ukucingilila ukuli konse? Iyo, mukwai. Lelo cena ni cinshi? Cena lishiwi, Ishiwi. Kabili ilyo bonse bakatwita ku Bupingushi, Imbila ine iyo ndeshimikila, muno bushiku, ikankumanya kulya kwine, Icebo pa Cebo. Elyo kabili ni cinshi ico muli no kucita? Cena ni Nyali iya kashika ilebyasha.

<sup>147</sup> Kwaliko inshita, umuma nkonso pakati ka banakashi. Twalaya ku. . . Ifwe twalabika fye ici, pa mulandu wa ici ukuba abanakashi. Kabili imwe mulesunguka cinshi lyonse mbilikishisha palwa ici. Nomba nalaleta, ni nkwata ayengi—ayengi Amalembo ayabikilwe umu ilyo nshilaisala, no kumulangisha mulandu nshi. Kabili ulya e mulandu ni ngile ukwikala uwa cine kuli ici Cebo, kabili umubomfi onse uwakwa Lesa alingile ukwikala uwa cine ku Cebo. Mulingile ukwikala, pantu kulingile kwaba ishiwi kumo ililebilikisha ukukanya cimo. Nshilesakamana ifyo abashala bacita; imwe ta mukwete umulandu kuli bena. Imwe mukasuka pa lwenu. Imwe tamwakasuke nga Methodist, imwe tamwakasuke nga Baptist, atemwa Pentecostal. Imwe mukasuka palwenu, kuli Lesa, pa bumi bwenu mwebene.

<sup>148</sup> Kabili tulemona ifi fishibilo, lelo nomba baletwalilila ukucicita. Ukumweba ukutila cilubo, moneni ifyo alesosa.

Umumankonso! Cilya ni filya fine fye e fyo Efa acitile. Efa alishibe bwino ukucila ukucita cilya. Bushe taishibe? Ena alikwete Icebo cakwa Lesa. Catile, “Ubushiku mukalya, bulya bushiku mukafwa.” Cisuma, cinshi ico acitile? Ena ale fwaya inshila yakwe umwine. Kabili cinshi ico abanakashi babeyela imishishi shabo; cinshi ico abanakashi bafwalila ifi fyakufwala, kabili Baibele ukusosa ukutila filya ni filya fine fye ifyo balingile ukucita? Kabili icintu ico balecita, bena bonse balyebaulwa. Filya fine. Lelo cinshi acitila? Ena aliba palwakwe umwine. Ee, mukwai. Ena alingile ukukwata inshila yakwe umwine. Kabili ulukuta talusosapo nangu cimo palwa cena. Kabili ulukuta lulingile ukuba Nabwinga wakwa Yesu Kristu, kabili no kukana sosapo nangu cimo palwa cena?

<sup>149</sup> Mwebe umo muli bena palwa cena, namwishiba ifyo basosa? Mubwingi ngo kusosa, “Takuli Baibele iya kale ikeminina mu nshila yandi ukunkanya ukwangala.” Nomba filya fine fye. Mukabebe ukutila calilembwa muli Baibele. Owe, bena limbi teti basose filye fyebo, lelo cilya eco balangisha.

Bushe mwalitala ukumfwapo insoselo ya kale, “Imicitile ilalandishapo ukucila ifyebo”? Cisuma, kanshi, bushe cilacita? Imiciitile ilalandikisha ukucila amashiwi. Te mulandu ifyo mulesosa, ubumi bwenu—bwenu bulalandikisha nganshi mpaka teti bomfwe ubunte bwenu. Nge fyo nacisosa mu lucelo, muletoloka fye apasansama nge fyo mwikala. Mwamona? Imicitile yenu ilalandikishapo ukucila amashiwi yenu. Kabili imwe kuti limbi mwaisa fye no kusosa cena, pantu amashiwi yabo abene yalalanda. Amashiwi yenu—yenu te mulandu ifyo cili, imicitile yenu ilalanda ifyo—ifyo mwaba.

Nga mwalanda icintu icili conse icapusana ne fyo mwaba mucine cine, cilesa mukuba bubumbimunda. Yesu atile, “Mweba bumbimunda! Kuti mwasosa shani ifintu ifisuma, ilyo ukufuma mu mutima wenu mulalanda, ukufuma mu mutima akanwa kalalanda?” Mwamona, balesosa icintu cimo ico tabapilibwile.

Kabili abanakashi e ico, balingile ukucisosa, owe, mwe, “Ningile ukwangala ne mwine.”

<sup>150</sup> Ni cinshi icicitika? Ukufuma mu cupo. . . Ici pano icifulo na cimbi muli Baibele. Ukufuma mu cupo palaba umulapo, “ukunakila.” Ukunakila? “Kasunga wa nga’nda, uwa musangwela, uwa milimo isuma.”

Ena ali no kukuseka kabili ali no kuya uko bapangila powder, iofeshi lya muntu umo. “Umulume wandi. . .” Ee. Owe, ndetwishika cilya.

Mulemona mu mibombe ilelo, ica musebanya nganshi, ukubika abanakashi mu mulimo wa bukapokola. Nga tacili icishilwa ica—ica musebanya pakati ka musumba uli onse! Nge

fyo abaume abengi tababomba incito, kabili balingile ukwingisha aba banakashi kunse kulya, ilyo Baibele isosa ukutila ena alingile “ukwikala pa nga’anda no kuba kasunga wa nga’nda uwa musangwela.” Lelo alasunga yonse ama buku yakwa boss, na yenu, nayo. Ee. Cilya cishinka.

Nshilelanda pa banakashi abasuma nomba. Nshileleta ici kuli imwe mwe banakashi mwe baba mucine cine abalungama. Lesa amupale. Cilya cili pa tepu, atemwa fimbi ifya shala.

Lelo ndelanda palwa, uko mulesanga umo uwaba nga filya, mukasanga ikana limo ne myanda isano ulubali lumbi. Tabakomfwe ku Cebo cimo. “Sunga Baibele yobe! Uishimikile Yena we mwine. Tatulefwaya ukumfwa Cena.” Ukunakila? Owe!

<sup>151</sup> Ena limbi kuti asosa ifi, “Iwe uleya mukweba amalyashi ya Baibele yobe kuli bambi. Sunga Lesa obe kuli bambi, kabili undeke neka. Cinshi ico ulebikikishisha kuli ine? Nshacikwipusha ukusosa ifi fintu.” Ninjishiba, lelo Lesa eucitile. Mwamona? E ico epela fye.

<sup>152</sup> E ico bacili balabifya inshila. Nga filya fine fye bacitile mu nshiku shakwa Shikulu, nga filya fine bacitile muli bulya bushiku, efyo bacita ne lelo, mu musango fye umo wine. Tacapilibuka. Cena tacipilibuka. Cena tacakapilibuke.

<sup>153</sup> Bucintomfwa bwa bana mukulekelesha bulesenda abana bakwe. Icifungo cilebulako iciputulwa ca banakashi na baume, lelo kumbo kulesenda icintu conse, cilya cishinka nganshi, mukulekelesha ku kabamina bonse fye. Kabili ukushimikila kulemoneka ngo kuleye pa mulu wa numa shabo. Bena tabomfwa kuli Kwena. Bena bali no kukwata ukwabo abene. Imwe kuti mwabeba ukutila Baibele isosa *Ici*. Bena batila, “Sunga Baibele yobe. Ifwe tuli no kukwata ukwangala kwesu.”

<sup>154</sup> Kutu naumfwa bamo imwe ba nkashi ukusosa nomba, nalimo tamuli muno mwine, lelo ukumumfwa ukusosa, “Nani, ine ukunakila umulume wandi? Huh! Nda mulenga ena ukunakila.” Lelo palya epo mwaluba. “Ikaleni pa nga’nda, aba musangwela? Nshilesakamana ifyo Baibele ilesosa palwa cena, ndekeni fye neka!” Umfwa, nkashi, cilya tacalimo, kunuma mu Nshita sha Mfifi, lilya li shiwi lye lelo. Cilya tacacitike sana kunuma mu nshiku she lyeshi, cena cilecitika ilelo na co. Cilya cintu cimo cine.

<sup>155</sup> Nakabili bena basosa, “Ndi mwanakashi umupya. Njikala mu America.” Cisuma, cilya tacicilile nge fyo mwikala mwi cinka lya bakapoli. Cena te kuti cipange ubupusano nangu bumu kuli Lesa uko mwikala. Mwaba fintu mwaba mu mutima wenu. Cilya cishinka. Kabili witontonkanya, nkashi, ukutila waba uwa munshiku ishopya nganshi, ukutila uli umo uwaba



abanakashi aba mu bushiku bupya, nge fyo ulefwaya ukusose lelo. Iwe wafuma kunuma akale, ukulingana ne yi Baibele, mu nshiku sha mfifi, mu nshita iye lyeshi. Mu nshita iyakwa Noah, lilya elyo bacitile icintu cimo cine. E ico tawaba uwa mu bushiku bupya nganshi, nangu cibe fyo, bushe efyo uli? Mwamona? Ulya e musango bacitilemo mu calo ica nshita ye lyeshi. Mwamona? Kabili ulya e musango balebombelamo ilelo, e ico cilingile caba inshita ya mfifi nakabili, ukubwekela umwafita umukalamba kulya.

<sup>156</sup> Kabili imwe mwe baume mwe balesuminisha abakashi benu ukucicita, ta muli nakabili abana baume bakwa Lesa. Iyo, muli nga bawila mu Sodoma, cilya cishinka, ukusuminisha abakashi benu ukumutungulula. Owe, mwe!

<sup>157</sup> Nshishibe nga kuti nasose ci atemwa iyo. Ningile ukucilila ici ciputulwa, Lelo Cisuma. Ici cintu cabipa.

Lelo fyonse kuli iyi nshita iyo Mulemona inyali iyakashika nayaka, ilebyasha? [Ulukuta Iwatila, "Ameni."— Ka.]

Ilyo penga lyakwa Lesa likomfwika mu calo,

Ilyo bukaca ubwa lubuto tutu;

Ilyo abasalwa bakayalongana (ukufuma mu lukungu lwe sonde) kulya kwi shilya,

Owe, ifyo bukabo bushiku! Cisuma. Owe, ee!

<sup>158</sup> Bweleleni mu Sodomu? Mwisakamana, kuliko ibomba Iya maka ililelelela ukulisangulula lyonse, cilya cishinka, ukusangulula isonde lyonse. Likesa cicita. Elyo kabili likesawamishiwa cipya cipya nakabili, nge fyo twamwene mu Cikakatikilo ica Mutanda, kwi bumba Iya bantu abalubulwa abo abapokelela Shikulu Yesu, abo abali Abenakristu, abo abashitisha ifya kusakamana fyabo ne fya mifwalile yabo iya ili sonde, kabili balisa kuli Yesu Kristu, kabili ukulolekesha kuli Wene kabili Wene eka; mu Yakwe iyapetama, imitantikile iyaanguka, ku kwisa no kucetekela pali Wene, no kupokelela Umweo wa Muyayaya. Kabili nga mulesosa ukutila mwalikwata Umweo wa Muyayaya, no kusushanya ne yi Baibele, umweo wenu wa muyayaya te Mweo wa Muyayaya uo Lesa apela. Imwe mwalibepwa, ne mfw, kabili te ku Mweo. Cilya cishinka.

<sup>159</sup> Nomba, owe, "Tineni Lesa no kusunge Cebo Cakwe, pantu aya e mafunde yonse." Inyali ishakashika shilebyasha, kabili inshita ili mupepi. Nge fyo cali mu nshiku shakwa Noah, mwamona, babulile ifintu ifituntulu no kufipilibula. Babulile ukulya, kabili babulile ukunwa, kabili bakulile ifikulwa, kabili babikile fyonse ifi fintu fimbi, no kufipondamika. Nomba, Yesu alesubila ifwe ukukula inga'nda, mwamona; lelo lolekesheni fye ico cacitika muli cilya. Ukulya, Wene alesubila ifwe ukulya, cilya cili fye bwino; lolekesheni ico cacitika muli cilya. Ukunwa, tulasubila ukunwa amenshi yesu kabili na

fyonse ifyo tulingile ukucita; lelo, mucifulo ca cilya, balifitwala mu fyakunwa no bwalwa, kabili na fyonse fye, na malwa, ukuletamo abanakashi babo. Mwamona?

<sup>160</sup> Kabili inga palwa kufula kwa bantu, nge fyo cali mu nshiku shakwa Noah? Inga palwa kuyemba kwa banakashi ukufulilako lyonse, ukucilapo kabili no kucilapo? Mwamona? Inyali iyakashika!

Inga palwa nshita ilyo abanakashi bali no kwisa, ilyo bali no kuba mu musango babelelemo, “bacintalika, abatumikwa,” kabili ifintu fyonse, tapali ico mwingabeba? Shimikileni Icebo cakwa Lesa kuli bena bena, bali no kutwalilila te mulandu. Mwamona?

Ni cinshi icikacitika? Nga filya fine fye cali mu nshiku shakwa Noah. Ubushiku bumo, umwinshi uwa luse ukesalwa. Elyo Amalemba yatila, “umwashila mukaba icushi,” ico cilepilibula ukutila Kapapatila nafuma muli kwena. Kabili cikulu fye Umwana wa mpanga acili kunuma kulya. . . Nge fyo naxisosa mu lucelo, atemwa icifulo cimo naleshimikila, ukutila, cikulu fye Umwana wa mpanga ali kulya ukucito kupapatila, uluse eko lucili. Lelo kushininkisha nshi uko twakwata, ilyo tulemona ishitima naliliteyanya mu nyanji, ilyo tulemona Ukwisa kwa kwa Shikulu, ukubyasha ukwa nyali?

<sup>161</sup> Ifyo ningalanda pa fintu ifya pusana pusana nge fyo twaishiba ukutila Wene alilaya ukucita kuno mu nshiku sha kulekelesha, kabili tulecimona kuntanshi fye yabo. Elyo kabili tulemona ili sambililo muno bushiku, iya nyali na imbi ukubyasha. Ifya kucita cita pakati kabanakashi besu, ne fintu umusango baleficitilamo. Tulemona cena cilesotelela, conse—conse icipampa, icintu icili conse, inyeleti ili yonse, ica kupiminako icili conse, fya bikwa ukutonta palwa Kwisa Kwakwe. Ifwe tuli kumpela. Takuli nangu cimbi ico naishiba ku kucitika kano Kwisa kwa kwa Shikulu.

<sup>162</sup> Elyo kabili, we munandi umutemwikwa we uli kunse ka kwa Kristu, ni cinshi ico uletontonkanya palwa ici? Bushe uletusha fye. . . Mucishinka, we munandi, ndefwaya ukukwipusha ilipusho ilyaanguka. Bushe uletushisha fye pali tumo utwa kumfwa umfwa utunono uto wakwete, atemwa fimo, nalimo, icintu cimo ico mwakwete? Nalimo mwalisansamwike inshita imo no kushana pa cifulo conse, nga bengi abantu ba holiness na ba Pentecostal, ba Nazarine, ba Pilgrim Holiness. Bena balicetekela nga bakwata insansa ishingwi ku kushana, cilya cilya Eco. Elyo kabili mulabeye mishishi yenu, ukufwala bakaputula? Bushe Mupashi wa Mushilo kuti wamilenga ukucita cilya, ilyo Wene alacebaula muli Baibele?

<sup>163</sup> Inga mwe basosa, “Cisuma, naba ku lukuta. Ndi Pentecosti. Ndi Methodist atemwa conse fintu naba. Ndi

membala! Ba mayo ni ba membala abalumbukwa aba lukuta. Naba membala uwalumbuka”? Kabili umupashi wine uli pali imwe ulemilenga imwe ukucita ifintu ifyo iyi Baibele yebaula imwe ukucita. Mwamona?

Mulesosa, “Nalilandila mu ndimi, Munyina Branham. Nomba, mwiikatilila kuli cilya. Nalilandila mu ndimi, kabili cilya e cishininkisho ca Mupashi wa Mushilo.” Ngo bumi bwenu... Nga mucili mulebeye mishishi yenu, nga mucili mucita ifi fintu ifyo Baibele ilesoso kutila mwicita; kuti mwalandila mundimi akasuba konse no bushiku, kabili nalyo line tacikwetepo icakucita na Lesa. Icimuti cishibikilwa ku cisabo ca ciko.

<sup>164</sup> Ndeya ndekota. Nalishiba cilya. Cila bushiku ndakwata ukubabwa ukupya no kukalipwa. Cila umo muli ifwe tulacita. Kuti cawama imwe ukulanda icishinka. Natontonkenye, “Lesu, mwileka imwe...”

Cimo pa fintu fimo ifyabulanda nganshi, cabo kumona umwaume atemwa umwanakashi uyo ushatala sumina Kristu, kabili aikele fye icikwa icakale membala wa lukuta, uwabipisha ukucila Satana umwine, no kumumona kunge kulya, ne cipyu cimo icabipa ica kale, “Cisuma, ndekweba, nshacetekela mu...” Lesa tatala... Cilya ni—cilya ni... Cilya e cilongwe icabipishapo ico Satana enga fwikwa ubumi naco. Umwanakashi umukote uilishanya mu cipyu, nalimo imyaka ya kufyalwa amakumi mutanda atemwa amakumi cinelubali na maboko ayaina kabili iminkone pa cinso cakwe ponse, kabili ne mishishi yakwe iya beyewa, mu mitundu iine atemwa isano iya pusana pusana, kabili ukwenda kwa kuyumfwa muli tukaputula utunono; nga cilya te kufwikwa icilongwe kuli Satana, nshatala cimonapo, atemwa umwaume umo umukote uwa cipyu icabipa.

<sup>165</sup> Mwe Lesu, nalishiba ine... Mpeni nkumbu ukukana ilishanya. Kabili ndefwaya ubumi bwandi, Shikulu, ndefwaya ubumi bwa bantu bandi... Lesu, peleni ukutila ubumi bwesu kuti bwafwikwa icilongwe, te mulandu ifyo tulecula, te mulandu ifilecitika, ni banga abo abalensangukila.

Nalishiba ici cintu cimo mu bumi bwandi, ilyo ndeya ndekotelako, abanandi, umulongo kunuma yandi, nombaline bali no kufumapo, ukulacepelako kabili ukulacepelako, ilyo ndeenda mu musebo. Kabili nalishiba icintu cimo, cikesafikilishiwa panuma yakashita ukutila takwakabe nangu umo ukesa kuli ine no kusosa... uku nomba ukupandwa amano. Abo abanjishiba mu nshiku shandi sha bulumendo bakatangilako, nga nkabapo. Abanandi bakacepelako no kucepelako, ilyo ndekotelako nomba.

<sup>166</sup> Kabili ninjishiba ukutila ubushiku bumo nkesafwa. Ndesubila ukutila Lesu takasuminishe Satana ukumfwika

icilongwe nga umo umukote uwa cipyu icabipa, umuntu umubi, kabili umukashi wandi mwanakashi umukote ukukalifya, atemwa umukashi wenu, atemwa imwe muli ulyo musango. Ndepepa, munyina ukutila ubumi bwesu bukafwikwe icilongwe ne fisabo fya Mupashi; ukutemwa, ukusangalala, ukuteko mutima, ukunakilila, ukushipikisha, Icine, icitetekelo, mu Mupashi wa Mushilo.

<sup>167</sup> Ubumi bwandi buleya bulepwa. Nalimo imyaka amakumi yatatu na isano iyapitapo naliminine mu cintamba kuno, ngo mulumendo umunono. Muno bushiku ndi umukote, imishishi yamfwi, kabili ne pala, na mapeya ayawa; nshikwete amaka. Ubumi bwandi buleya bulepwa, kabili ubushishi buleya bulenakilako ubo ndeendelapo. Ilyo ndeenda ukuya umushilwa, abanandi baleya balecepelako. Kabili panuma ya kashita cikesa pa nshita, nalimo, ukutila ine—nshakomfwe bwino inyimbo nge fyo nalecita; kabili nalimo abeshikulu bandi, abana bakesa sosa, “Mwileka ba Shikulu benu bomfwe ububi.” Cikesaisa kuli cilya nga nkabapo.

<sup>168</sup> Elyo nkesa ika mpaka teti njime ukufuma mu cipuna candi. Elyo ulucelo lumo fube fube akesaisa mucipinda, nkesa cebusha ukuciluka umupaka, kumfwa, ukwisa nsenda. Ena akesanjikata fye ku kuboko no kuntungulula kulya kuli Shikulu wandi. Ena te kensha wandi umusha. Ine nshili musha wakwe. Ena e musha wandi. Kristu ancimfishishe mfwa. Kabili icintu fye cimo ico ena enga cita, caba kuntintila mu Cinsu cakwa kalenga Wandu, “Ilyo ili hema lya pano nse lyaonaika.”

<sup>169</sup> Ilya ine nshita ilyo nacifyashi ali mupepi no kukwata umwana, mukamone, nshilesakama ifyo aba umunkalwe, kabili ifyo abipisha. Namwishiba, pa kashita akanono ilyo kalya akanya takalafyalwa, nacifyashi alanakilila. Cinshi cabelala ifi? Ilyo tulyo tumishipeshipe utunono muli lilye fumo tulesela no kulaenda enda nga filya, kwalibako umubili uwa ku mulu ulololela. Kabili ilyo kaisa ukufuma kuli nyina, doctor atemwa na cimbusa, onse nga ni nani alingile ukukasenda no kukapukunya, ukukomamo, ukukasunkanya, atemwa icintu cimo, elyo kabili kalekata umupu wa mweo. Kabili aka mupashi akanono aka bumalaika kesa muli kena, umupu wa mweo, kabili kalesa mukuba icibumbwa ca mweo. Kabili ilyo tukwete Kristu mu mitima yesu, kabili Kristu esa mukuba umutuntulu mu mitima yesu, cena kanya akanono. “Nga ili hema lya pano nse nga lyaonaika . . .”

<sup>170</sup> Yesu atile, muli Yohane 14. Mukwisala, nalasosa ici. Atile, “Mwileka imitima yenu isakamikwe; nga mwalicetekele muli Lesa, cetekeleni muli Ine. Pantu, mu Bufumu bwakwa Tata mwaba ama hema ayengi. Ndeya mukumupekanishisha apakwikala.” Ilyo iyi nga’nda iye hema yaonaulwa, natukwata imo. “Ndeya mukumupekanishisha apakwikala, ukutila eko Ndi, kulya na imwe mukabeko.” Afwaya ukuba pamo Nankwe.

<sup>171</sup> Elyo nalishiba, ilyo aka kamwana akanono kalelila, pantu ukufyalwa ukupya na kucitwa; ilyo bumi bumbi ubwashala bwaonaika, ubumi bonse ubwa mfwa kabili ifintu fyonse fyapwa, lyena cikasenda icintu cimo ukuntensha, kabili cisenda imfwa. Imfwa ilamupela ukutenshiwa, ilyo yamwikata, lelo yena imulenga fye imwe ukufyalwa nakabili mu Bufumu ubupya, kulya ku lubali lumbi uko kushaba ukulwala, ubulanda, takwaba ukukota, Atemwa icintu cimbi. Lesa twafwilisheni.

<sup>172</sup> Musango nshi, we munandi, wingatala ukukana icintu ica musango ifi, ukumona ukutila takuli isubilo mwi sonde, kunse ka kwa Yesu Kristu? Inyali shakashika shilebyasha.

Inko shilepatukana, Israele alebuka,  
fishibilo ifyo bakasesema baseseme;  
(abanakashi ukubeye mishishi yabo,  
ukufwala bakaputula; inyali iya kashika na  
yaka, mwamona)

Inshiku sha Benafyalo shapwa, ne fyakutinya ifingi;

“Bweleleni, Mwe basalangana, ku mwenu.”

Ubushiku ubwa kulubulwa bwa palama,

Imitima ya bantu ili no mwenso;

Isushiweni na Mupashi, inyali shenu shiwamyeni,

Shibukeni, ukulubulwa kwenu kwa fika!

<sup>173</sup> Nali Mutemwa. Ndefwaya imwe uku Mutemwa. Kabili ilyo tulekontamika imitiwe yesu pakashita fye, mwi shiwi lye pepo, mukwisala. Inyali shakashika shilebyasha. Icishibilo epo cili. Ukwisa kwa kwa Shikulu na kupalama. Ena alelanda ku nko. Ena alelanda ku bantu. Ena alelanda ukupitila mu fishibilo ne fipapwa. Nge fyo twasendele Sodomu no kulangisha ifyo ulya Malaika, aishile kuli Abraham, ifishibilo ifyo Ena acitile lintu fye takulabako ukupona kwa mulilo, tulemona cilya.

<sup>174</sup> Atile, “Mu nshiku sha kwa Loti, balikulile, balishitishye.” Lolekesheni pali cena ilelo. “Kabili nge fyo cali mu nshiku shakwa Noah,” abanakashi ukutendeka ukuyemba, abana baume bakwa Lesa ukuwa, umubili wa bantu ukulapepwa mu musango wabanakashi, kabili na fyonse ifi fintu ifilecitika, e fyo tulandilepo muno bushiku. Inyali shilebyasha, Ukwisa kwa kwa Shikulu kuli mupepi. Bushe mucili fye membala fye uwa lukuta?

Bushe uli uwashininkisha, we munandi? Inga wishibe shani walabapo munshita ya bushiku? Lolekesheni kuli Munyina Way aciminina pano mu lucelo, mukashita fye, ukupilibuka fye ukuti aposhanye mu maboko no muntu, aciwa panshi no kufwa palya pene fye aciminina. Lesa limbi kuti aba uwa cikuku

nganshi kuli imwe ngo kumupela ishuko nalimbi. Imwe tamwaishiba ni miniti nshi ilyo ulyo mutima ukakwata ukutunta ukwa kulekelesha. Tontonkanyeni pali cena.

<sup>175</sup> Ukwisa kwa kwa Kristu kulebyasha ifishibilo fya kuko. Lolekesheni pali fyena. Moneni nga cakutila ifyo mwebele muno bushiku. . . Cena nalimo teti cibe icalumbukwa nganshi, lelo cena Cishinka. Ni cilya ico Lesa asosele, kabili ici cili pano.

<sup>176</sup> Abanakashi tabafwaya ukwikala pa nga'nda. Bena tabafwaya ukusakamana indupwa shabo. Bena bashimafye akakwikalapo umwana no kuya ku malila ku cifulo cimo. Bucintomfwa bwa bana, fyonse fintu filecitunga; ukubeye mishishi yabo, ukufwala bakaputula, ukupenta kalaso. Abengi balewaminako no kuwaminako. Abaume, abana baume bakwa Lesa, balewa. Cena citeyo cakwa Satana ico abomfya, abana baume bakwa Lesa ukuwila muli cilya. Nga filya fine Yesu asosele, cilingile ukucitunga. Atile cali no kwisabako kulya, kabili ici cili pano. Atile, "Ilyo ifi fintu fikafikilishiwa, ino nkulo tayakapite," kabili cilya myaka amakumi yane, "mpaka fyonse ifi fintu fikafikilishiwe." Tontonkanyeni pali cena.

<sup>177</sup> Bushe ucili ni we membala wa lukuta? Bushe walipanga icilubo? Lolekesheni no kucenenta ubumi bwenu nakabili, muno bushiku, mwe baume, nabanakashi. Ilolekesheni mwe bene, lolekesheni ku filubo fyenu mwebene. Cinshi, mu mibele yenu nomba, nga Kristu ali pe sonde ukushimikila ici? Mwatila, "Nga—nga Ena alikwete, nga nali mu Mfwile aleshimikila cilya, ine—ine nga nalilapile." Nga mwali no kucita, Ici Cebo Cakwe Umwine muno bushiku, muli no kucicita nomba. Nga muli aba bula Lesa, kabili mwalishiba. . .

<sup>178</sup> "Owe," mwatila, "Naba ku lukuta. Nalilandila mu ndimi. Ine—nshicita. . ." Nomba, tulebika ici kumbali. Ilolekesheni mwebene, cencenenti ubumi bwenu nomba ne Cebo cakwa Lesa. Bushe kuti mwaba ulyo muntu uwingaya no kusosa, "Nshilesakama ifyo Baibele ilesosa. Munyina Branham, ndetontonkanya nauluba"? Te ine ne ulubile. Nga kuliko cimo icalubana palwa cena, Cena Cebo.

Kabili taulaishiba Lesa nakalya, kabili tauli uwashininkisha ukutila nga Yesu alishile pali ino nshita ukutila kuti wabo waiteyanya ukuya. Cinshi tawingaposelelako amano, ilyo ukumona imfwa naipalama nganshi, ilyo tulemona impela ili mupepi nganshi?

<sup>179</sup> Nga kuliko uli onse muno, ne mitwe yenu iya kontamikwa nomba, uyo wingafwaya ukwibukishiwa mwi pepo ilyo tuleisala, bushe kuti mwaimya fye ukuboko kwenu no kusosa, "Munyina, mpepelako." Lesa akupale, nkashi. Lesa akupale, munyina, nkashi. Owe, mu cikulwa fye monse.

<sup>180</sup> Cilya eco, lekeni fye tusende ukufwailisha ukunono nomba. Imwe ba nkashi nomba, ne citetekelo conse icisuma ne subilo,

tontonkanyeni fye pali ici. “Bushe mucine cine nalinakila Lesa? Mucine, ngo kukabila kwandi kuli kwi? Munyina Branham, ine—ine—ine—ine ncili ndacita ifi fintu. Ine—ndomfwa bwino. Ndi uwansansa.”

Bushe mwalishiba ukutila abasenshi bomfwa fye insansa nganshi? Mwalishiba, umuntu ukolelwe aba fye uwansansa nganshi, ukupitila mu bwalwa, nga imwebene, ukongola kwa bwalwa? Kabili nga muli abansansa ukupitila mu cintu icili conse ico ca pusana ku Cebo cakwa Lesa, cena ciwa. Nga mwatila, “Nalikushiwa mu lukuta lwandi,” kabili mulomfwa Icebo cakwa Lesa ukushimikilwa, kabili tamwakekalile pali Cena, muli abaputwamo ne cintu icalubana, te mulandu ifyo kuputwamo kuli. Nali bamonapo ukupunda, no kutoloka no kubilikisha, kabili—kabili ifintu fyonse kabili ukunwa umulopa ukufuma mukapanga ka muntu, no kwita pali ciwa, cilya cishinka, aba nsansa fye nganshi nge fyo mwingatala ukuba. Ubusenshi bulaleta ukwishiba kwa mibebe ya matontonkanyo, nge cintu conse ica cashala, ukulingulula kwa mano. Lelo ukwishiba kwa kwa Kristu kwaba ukwa mu mutima, kulyo kupilibula icintu conse, kupilibula umuntu mu cibumbwa cipya. Tontonkanyeni pali cena, na maka nganshi.

<sup>181</sup> Ilolekesheni mwebene. Elenganyeni fye icilola ku ntanshi yenu, mulolekeshe mwebene. “Bushe ndi wa cishinka? Bushe ndi wa bufumacumi? Bushe ine mucine cine, umutima wandi, ndabombela Shikulu?”

<sup>182</sup> Natila, “Nda mubombela.” Kabili lolekeshenimo, imwe mwe banakashi ne mishishi isha beyewa, abafwala bakaputula. Lolekesheni kuli imwe mwe bacita ifi fintu. Lolekesheni kuli imwe mwe baume mwebasuminisha abakashi benu ukucita cilya; soseni, “Bushe ndi mwana wakwa Lesa? Bushe ndi umwina Sodomu?” Imwe mwe banakashi mwe basosa, “Ine mucine ndi mwanakashi uwa nshiku shipya, atemwa ndi umo uwa mu nshita she lyeshi icintu cimo ico Yesu asoselepo ukutila cikabapo mu nshiku sha kulekelesha nakabili?” Citontonkanyenipo. Ilolekesheni mwe bene.

<sup>183</sup> Mwamona, ubuntu bwenu mwebene bulangisha fintu mwaba. Kabili nga tamuli abalungama, bushe kuti mwaba abacishinka nganshi ukucita fye... Beni aba cishinka nomba, imyeni ukuboko kwenu, soseni, “Kristu, nshileimya ukuboko kwandi kuli Munyina Branham atemwa ku muntu umbi kano Imwe, lelo nalilufyanya. Njeleleniko. Munyina Branham acilaya ukumpepelako, nomba nalaimya ukuboko kwandi, no kusosa, “Yesu, kwateni uluse pali ine muno bushiku. Mpususheni pa mulandu wakwa Kristu. Nshilefwaya ukuluba. Bonse ubu bumi mwa mpela Imwe, kuti caba icintu icabipisha nganshi nga ine—nga ine kuti na buposa fye, ilyo nkweite ili shuko ilya wamisha muno bushiku ukumona mucine cine na menso yandi ne mwine ukutila inyali ishakashika shilebyasha



ku mbali shonse; Ukwisa kwa kwa Shikulu, ubulayo ubwa kutila Ena ali no kulangisha ifi fishibilo, kabili Ena ali no kundapa abalwele, Ena ali no kubusha abafwa, Ena ali no kutamfya ifiwa; kukaba fye ibumba—ibumba, abantu fye abanono, abanono nganshi abo isonde likalasanteka, no kubeta amashina ayabipa, kabili na fimbipo, nga filya.”

<sup>184</sup> Kabili balingile ukutwita amashina ayabipa. Bena balingile ukwita Icine amashina aya bipa. Yesu atile, “Uyo onse ukasosela Umwana wa muntu, icebo cibi akalekelelwa, ilyo Ena alecita icintu cimo cine mulemona ukucitwa.” Atile, “Lelo onse uwasosela Umupashi wa Mushilo icebo icibi, ilyo Ukesa cite cintu cimo cine, takalekelelwe nakalya nangu ni mubwikashi bwa nomba.” Mwamona, bena balingile ukucita cilya. Kulingile kwabako Imbila iyaba nga filya, ku kulenga abantu babe aba kusenteka Yena, kukulangisha ubulungami bwakwa Lesa kukwebaula isonde lyonse no kulyonaula.

<sup>185</sup> Ilyo kucili uluse kabili umo muntu ukwiminina pa mupaka, Yesu Kristu, kabili no mwinshi uwa isuka muno bushiku, bushe tawa Mupokelele, we munandi?

<sup>186</sup> Nomba, mu lutambi, caba ukwisa ku cipailo. Cilya caba fye bwino. Nshakwata nangu cimo ukukanya cilya. Lelo Ilembo, Lyatila, “Bonse abengi abo abacetekele balibatishiwe.” Ukufuma mu mutima wenu, nga muli no kupela ubumi bwenu kuli Yesu Kristu apo pene apo mwikele, apo pene apo Ena acilanda kuli imwe ilyo mwacimya ukuboko kwenu!

<sup>187</sup> Ulya Lesa umo wine uwingeta uyu mwaume ukubwekela ku bumi, ukuba uwafwa nalala pa ntanshi fye yandi mu lucelo, kukushininkisha kuli imwe ukutula ndemweba Icine. Ni nani uwinga busha uwafwa kano Lesa? Cilya cishinka. E ico te wenu—kacema wenu umunono ushikwete amaka kuno, ni Kristu uyo wa mutemwa. Kabili Ena alelangisha kuli imwe muno bushiku, “Imwe na mumfwa Icine. Imwe na mumona Icine. Cena cifumine ku Cebo Candi. Imwe na mumona Icebo Candi ukwita. Imwe na mumona Icebo Candi ukulandila libela ifi fintu. Imwe mwalicimona ukucitika filya fine fye mu myaka yonse iyi, ukwabula ukufilwapo nangu cimo.”

<sup>188</sup> Nomba cinshi ico mwalacita na Yesu, ilyo inyali iyakashika icili ilebyasha? Cinshi ico tamulecitila ici, poseni kalya akalitumba akakale akambalala she sonde! Cinshi teti muposele lilya ibuku ilya kale ilye *Lyashi Lya Cine*, kabili filye fyakale—filye fyakale ifya buwelewele ifyo mu tintilamo umweo wenu cila bushiku! Cinshi ico teti museseshe iyo television mu cifutu no kuipilibula, nga cakutila ilemutalusha ukufuma ku lukuta! Cinshi teti mfulileko icifinise conse icalambatila kuli imwe! Cinshi teti mupelele umutima wenu kuli Kristu, no kusosa, “Kristu, muno bushiku nshikwete

maka. Ndeiteyanya. Ni mona Imwe muleisa. Ine ndesenda sutikesi yandi, Baibele yakwa Lesa, iyo yabikwamo Umweo wa Muyayaya, kabili, ukufuma nomba ukuya pantanshi, nalafuma ukufuma muli Ici!” Bushe ta mwacite, ilyo tulepepa?

<sup>189</sup> Shifwe uwa mu Mulu, te kubo wa fikansa, awe nakalya, Shikulu. Lelo imbila ilesonta pa nshita, te muntu umo umo, te muntu umbi, lelo isontele pa nshita. Yena ni nshita ilyo Mupashi wa Mushilo wa moneke ukunsunkilisha ukwambula ici. Nge fyo panuma ya nshita ingi, ingi ukuciluka cino icintamba, ukutila natulangisha inshiku shakwa Loti, inshiku sha Sodomu, inshiku isho Yesu alandilepo, ifishibilo fya nshita, ukwisa kwa kwa Shikulu, mu nshila inshingi. Elyo kabili panuma ya fyonse filya ni nanda na maka nganshi ukususha abanakashi ba buno bushiku kabili no kushinguluka inko, kanshi, Tata, na citontokanya kuti caba Umupashi wa Mushilo ukulanda kuli ine ukutila kuti na eba abantu umulandu na citila ici. Cili pa mulandu wa kutila Icebo Cenu icaputwamo na cicencentana nganshi ku mutima wandi, mpaka nacifilwa fye ukwikala tondolo.

<sup>190</sup> Yamo amaboko mupepi amakumi yasano atemwa amakumi cinelubali na fisano mu cikulwa na yemishiwa, Tata, pa cakalabana, Icebo iciputaula icakwa Shikulu. Lelo Cena nacibaleta kukutenkanishiwa, kukubalenga ukwishiba ukutila pinto ilelila; aba mushilo bonse na balongana capamo; inko shileonaula mutupimfya; ifishibilo fya Kwisa; inyali shakashika shilebyasha. Kabili tulemona, ku milimo, iya cisontwa pa banakashi besu muno bushiku abelelo, ukutila umusungu uyo Baibele yasoselamo ukutila bakaba, kabili aba bali pano.

<sup>191</sup> Ishiwi ilya pwililika iyakwa Yesu Kristu nalitusoka kukulolekesha inshiku shakwa Noah no kushipashanya no bushiku ubo tuleikalamo. Kabili lyena ilyo twamona filye fintu ukucitika, abanakashi ukulawama, kabili abana baume bakwa Lesa ukulabasenda, kabili ifyo ifi fintu fikesaba, lyena tulehiba ukutila ilya nkulo ikamona Ukwisa kwa kwa Shikulu. Elyo, natwishiba inyali iyakashika, ukwisa Kwakwe na kupalama.

<sup>192</sup> Ndepepa, Shifwe uwa mu Mulu, ukutila Imwe mwalapala cila umo uwaba abemishe amaboko yabo. Ine—ndepela fye ili lya icefya, ipepo ilya bufumacumi, kabili ni njishiba Imwe mwalangu'mfwa. Imwe mwaciba aba cikuku nganshi kuli Munyina Way ulucelo, kukuleka ipepo ilinono ilya icefya lilenge ulyo mutima ukutunta nakabili. Ukutemwa kwa bufumacumi kuli munyina uyo uwacipona pamolu ya mukashi wakwe, uwatalala kabili uwafwa. Shikulu, lekeni abantu beshibe muno bushiku ukutila pakuba uwafwa mulubembu na ma mpulu cabe ca kutinya nganshi ukucila ukufwa imfwa iya ku mubili; takuli nangu umo uwinga kwikata pali ilya nshita, ilyo waya ukuciluka icipembe, mu lubembu na mu mampulu.

Peleni muno bushiku, Shikulu, ukutila, cila mweo uyo wacimya ukuboko kwabo; ndepela ili pepo mwi Shina lyakwa Shikulu Yesu; ukutila kuli no kuba ukupuputulwa nganshi ukuli no kwisa ku bumi bwabo, ukutila kuli no kuba ipange limo mu mutima wabo, lilye pange mu mutima wabo ukutila bena tabakabembuke nakabili kuli Lesa; ukutila bali no kwiminina, ukufuma ino ora ukuya pa ntanshi, pa ca Muyayaya cakwa Lesa, Icebo icapalwa kabili no kulishiwa no Mupashi Wakwe uwa Mushilo, no kutungululwa mu tushila utwa Mweo, ubushiku no bushiku, ilyo baleenda ukufuma pali ino ora, ukuya pa ntanshi.

<sup>193</sup> Nomba, Shifwe uwa mu Mulu, ine limbi nshakatale ukubamona, ine nshakatale ukuposhanya mukuboko kwabo kwaku mubili pano muli ili sonde, nangula ningafwaya ukucicita. Lelo, Shikulu Lesa, ndepepa ukutila ili pepo lili no kwasukwa. Kabili Imwe mwatile mu Cebo Cenu, “Uyo umfwa Icebo Candi, no kucetekela muli Uyo uwa Ntumine, nakwata Umweo wa Muyayaya; kabili takese mu Bupingushi, lelo na fuma mu mfwa aingila mu Mweo.” Mu nshila yandi iya kuicefya iya kuletelamo Icine cakwa Lesa, muno bushiku, abengi na bomfwa Icebo. Nomba, Imwe mwalilaya ukutila muli no kubapususha, kabili bena “tabakonaika,” ukutila, takuli umuntu ukabafumya mu kuboko kwenu, ukutila Imwe mukabemya pa nshiku sha kupelelekesha, takuli umushishi uwa kumutwe wabo ukonaika. Imwe mwalilaya ici.

<sup>194</sup> Nomba, nge pepo, ngo mubomfi, Shikulu, kabili nga munyina ku—kuli bena, ine—ine ndepepa ili pepo no kubabika mu maboko yakwa Lesa, ukutila takuli nangu cimo icakucena icikesa kuli bena, kabili Satana takabafumye ukufuma mu kuboko kwa kwa Lesa. Bena Benu, ifikombe. Kabili ndesubila ukutila Imwe muli no kubapela ubumi ubutali, kabili nga kuti cacitwa, lekeni bena bakamone Ukwisa kwa kwa Shikulu Yesu. Lekeni baleya ukufuma muno muno bushiku, no kuba bakanonka ba myeo, ku kweba bambi, ku kwishiba ku kuposha kwa kwa Kristu. Peleni ifi. Fyena fyone fili mu maboko Yenu, Tata. Mwi Shina lyakwa Yesu Kristu.

<sup>195</sup> Kabili ilyo tuli ne mitwe yesu iyakontamikwa pa kashita fye. Ndesunguka ngo muntu uwa musango ifi epo ali nomba, uyo uleumfwa ukutila ilyo twaciba mwi pepo ukutila—ukutila icintu cimo ica ibela cacicitika mu mutima wenu, kabili imwe muleumfwa ukufuma nomba ukuya pa ntanshi ukutila muli no kwikala ubumi kwasanguluka kuli Kristu, kabili mulemona Ukwisa kwa kwa Shikulu kuli mupepi, mwacetekela ifyo nacishimikila fyaciba Icine, palwa iyi nyali iya kashika ilebyasha, umusango ifintu fibebelemo. Kabili—kabili imwe na mwiluka ukutila cena Cebo cakwa Shikulu, pantu cena ni Kristu, kabili mwacetekela, ukufuma muno bushiku ukuya pantanshi, mwakulaikala uwawamisha, ubumi ubwapalamisha

kuli Kristu, pantu ipepo ilyo mwacipepa muno bushiku kabili no kuyebelela mwacicita. Kabili ne mitwe yenu iya kontamikwa, imyeni fye ukuboko kwenu, soseni, “Nacetekela cena. Ukufuma muno bushiku ukuya pantanshi, na kulaikala ubumi ubwaibela.” Lesa amupale. Cilya cisuma. Cilya cintu cawama nganshi. Ndecetekela ukusosa mu bututuntulu bonse, nalimo, abo abacimya ukuboko kwabo pakashita akapitapo, na babwekeshapo ukwimya amaboko yabo ukutila bena na bacisumina.

<sup>196</sup> Nomba nga tamwatala ukubatishwapo mwi Shina lyakwa Yesu Kristu kukulekelelwa kwa membu shenu, ibukisheni, “Takwaba ishina limbi pe samba lya Mulu ilya pelwa pakati ka bantu ilyo benga sangilamo ipusukilo, kano Ishina lyakwa Yesu Kristu.” Ibukisheni, kwaba fye Nabwanga umo, Nabwanga wakwa Kristu, kabili ulya ainikwa Ishina Lyakwe.

<sup>197</sup> Nomba, kabili nga tamwatala batishiwa mukwibishiwa mu menshi, mwi Shina lyakwa Yesu Kristu, lekeni ine ngo mubomfi Wakwe...Nga Lesa alishininkisha kuli imwe ku fishibilo ne fipapwa, kabili ku Cebo Cakwe, ukutila ni mweba Icine; ndemukonkomesha nge fyo Paulo Uwashila acitile, Imilimo ya Batumwa 19, uyo wasangile ibumba lya ba Baptist. Bena balibatishiwe kuli Yohane Kabatisha. Atile, “Bushe mwalipokelela Mupashi wa Mushilo ilyo mwacetekele?”

Batile, “Twalishiba...nga kwalibako Umupashi wa Mushilo.”

Atile, “Kanshi lubatisho nshi mwabatishiweko?”

Batile, “Ifwe twalibatishiwa kale, na Yohane Kabatisha, mulya mu Yodani, umuntu umo wine uwabatishe Yesu Kristu.”

<sup>198</sup> Lulya kuti lwali ulubatisho ulusuma, lelo Paulo atile, “Lwena taluli ulusuma nomba.” Alibebele ukutila balingile ukubatishiwa nakabili, mwi Shina lyakwa Yesu Kristu, Imilimo ya Batumwa 19:5.

Kabili Paulo atile, “Nga Malaika aika ukufuma ku Mulu no kushimikila Imbila imbi iya pusana ne Iyi iyo nashimikila, abe uwakungwe cilai,” Abena Galatia 1:8. Elyo aishilebwekeshapo nakabili, atile, “Ifyo mbalilepo ukusosa, na nomba ndesosa kabili. ‘Nangula Malaika,’” nangula abe ni kashimikila, bishop, papa, atemwa conse ifyo cingaba, “nga Malaika aika ukufuma ku Mulu ke—Kerubi ukufuma mu Myulu, no kushimikila Imbila imbi ukucila Ilya, lekeni abe uwa kungwe cilai.”

Kanshi, nde mukonkomesha, nga tamwatala batishiwa mwi Shina lyakwa Yesu Kristu, ilyo amenshi yali mu cishiba, kabili ne mingila ilelelela, iseni mubatishiwe, “Ukwita pe Shina lyakwa Shikulu, kabili mukapokelela ica bupe Mupashi wa Mushilo; pantu ubulayo buli kuli imwe na kubana benu, na kuli bonse aba kutali, na bonse abo Shikulu Lesa wesu aketa.”

<sup>199</sup> Mwe Shifwe uwa mu Mulu, nomba cili kuli Imwe. Ukukonkomesha abantu, ndesha; lelo ukulenga umuntu, teti ncite. Kabili Imwe tamwatala ukubomba ukukanya ubufwayo bwa muntu; pantu, ngo mwaume atemwa umwanakashi alilingilwa kabela ku Mweo wa Muyayaya, ilyo Ulubuuto ulwa kwa Lesa lwa balikila pali ilye mbuto, yena ikesa ku Mweo. Kabili nga kuliko Umweo pakati kesu muno bushiku, Tata, uo Mwasanikilapo Ulubuuto Lwenu, kabili bena na bamona Icine, lekeni bende aba petama kabili aba nakilila ku cishiba, ku kubatishiwa, mwi Shina lya Mwana Wenu umutemwikwa, Yesu Kristu.

<sup>200</sup> Icili, twalishiba ukutila cila muntu mu Malembo alingile ukubatishiwa, kabili ukubatishiwa nakabili. Balya abashabatishiwe mwi Shina lyakwa Yesu Kristu, baishile batishiwa nakabili. Kabili umutumwa umukalamba, uyo wakwete imfungulo ku Bufumu, atile pa Bushiku bwa Pentecosti, “Lapileni, cila umo muli imwe, no kubatishiwa mwi Shina lyakwa Yesu Kristu ku kulekelelwa kwa membu shenu, pa kutila imembu shenu shingalekelwa, elyo kabili ubulayo ubwa Mupashi wa Mushilo buli kuli imwe.” Peleni ukutila calacitwa muno bushiku, mu mwisulo onse, Tata.

<sup>201</sup> Ndebapela kuli Imwe nomba. “Sendeni ifi fyebo ifinono no kutontonkanya kwa mutima wandi, kabili lekeni fibe ifyapokelelwa mu cinso Cenu, Mwe Shikulu.” Kabili ikasheni pa bana Benu, no kubapela Umweo wa Muyayaya. Pususheni bonse abo abenga pusushiwa, kabili undapeni abo abalwele. Lekeni nkumbu shakwa Lesa shibe pali cila umo muli bena, ilyo tulebapela kuli Imwe nomba, mwi Shina lyakwa Yesu.

<sup>202</sup> Nomba ne mitwe yesu iyakontamikwa, nalalomba nkashi yesu uyo ulisha piano ukwisa kuno. Pakashita fye, nalimo fye ama miniti yasano na yambi. Kabili nga kuliko umo ulekabila ukubatishiwa nomba, uyo uyebelele no kucetekela. Nga imwe na mucetekela ukutila Yesu Kristu Mwana wakwa Lesa, kabili mwacetekela cena no mutima wenu onse, te fya—ifya kumfwa umfwa fye, lelo mwacetekela cena, kabili muli abaiteyanya ukuyebelela ukutila mwalilufyanya; kabili tamuleiminina pa busuma bwenu mwebene, lelo pa fintu Wene acitile; kabili imwe muli aba iteyanya ukwisa kuntanshi, ukusenda Ishina Lyakwe mu lubatisho lwa mu menshi, ukuba membala wa Mubili ku Mupashi wa Mushilo; elyo, icipinda cabanakashi cili kukwalyo kwandi, kabili icipinda ca baume cili ku kwakuso kwandi, ne mingila ne fintu ifyateyanishitwa.

<sup>203</sup> Ilyo tulekontamika imitwe yesu, ilyo nkashi yesu alelisha, “Kuti naumfwa Kapususha wandi aleita,” nga kembisha wa nyimbo alatupelako ishiwi ilinono ulwa lulya. Ne mitwe yesu iyakontamikwa nomba, ukulongana kuli mukuboko kwa kwa Lesa Impalume nomba; kuli uyo onse ulefwaya ukubatishiwa;

ulefwaya ukuya mu fipinda fya kupepelamo ukuyapepela pa kubatishiwa na Mupashi wa Mushilo, muli bakatungulula muno bali no kuba abaiteyanya ku kumulanga atemwa ukucite cintu icili conse. Mwileka Ifyebo filandwe apafye, lelo lekeni fipwishishishe cilya catuminwako. Ne mitwe yesu iya kontamikwa, lekeni tupepe nomba. Kabili, uko Ena alentungulula, ukukonka.

Naumfwa wandi . . .

Nomba pepeni, umubembu onse.

Naumfwa Kapususha . . .

Bushe kuti mwamumfwa Wene ukwita, ilyo Ena acibusha umuntu uwafwa mu lucelo?

Naumfwa . . .

Bushe kuti Mwamumfwa ukwita, ilyo mwaumfwa Icebo ukubuyasha ulubuuto lwa Ciko pa nshita ya mpela?

Ndeya Nankwe, Nankwe . . .

Bushe mulefwaya ukuya mubulendo bonse?

Uko Ena . . .

Lesu akupale, munyina. Abaume ku kuso. Abanakashi ku kulyo. Ine . . .

Kwa Ntungulula nalakonka,

Kwa Ntungulula . . .

Baibele itila, “Abo bonse abacetekele balibatishiwe.”

. . . ukukonka,

Ndeya Nankwe, Nankwe inshila yonse.

Ndeya Nankwe mwibala,

Ndeya Nankwe mwibala,

Umupashi wa Mushilo . . . ? . . .

Ndeya Nankwe monse mu . . .

Ngo muntu umo kuti aya na banakashi kuno lubali, pa kufwaya Umupashi wa Mushilo, kabiyeni mucipinda ku kwa kulyo, imwe bamo ba nkashi abasambilishiwa pali Shikulu.

. . . ukupita monse.

Kwa Ntungulula . . .

Bushe kuti mwasosa mu cishinka ukutila, “Ukwa ntungulula nalakonka”? Bushe muli no kucicita? Inga palwe Shiwi ilinono ililanda kuli imwe, bushe imwe—bushe muli no kuya uko Amutungulula? Lolekesheni inyali iyakashika. Moneni inyali iyakashika ilebyasha? Tuli pa nshita ya mpela.

Kwa Ntungulula ndekonka,

Ndeya Nankwe, Nankwe konse fye.

Ndeumfwa Kapususha Wandu . . .

Musango nshi Alandilamo? Ukupitila mu Cebo Cakwe, mu mutima wenu. Bushe mwalaisa nombamba? Ubu bwite bwenu. Ibukisheni, nga cacitika ilyo tatulaba capamo nakabili, imwe na musokwa.

...ndeumfwa Kapususha aleita,  
 “Sendo lupanda, Iyo ukonke, Unkonke.”

Kwa Ntu...

Nombamba bushe bamo ba munyina, ku kulangisha, baye mucipinda uku kwa kuso kwandi, na ba munyina ilyo baleiteyanya ku lubatisho. “Uko Alentungulula...” Bamo ba munyina ba kapyunga muno, iseni mutwafwilishe, kabiyeni mu cipinda pamo na bo.

...ukukonka,  
 Kwa Ntungulula...(Bushe mucine cine  
 mulecipilibula?) ukukonka,  
 Ndeya Nankwe, Nankwe inshila yonse.

<sup>204</sup> Nombamba, pakashita fye. Nombamba, nga ta mulabatishiwa mu menshi, ku kwibishiwa mwi Shina Iya kwa Shikulu Yesu Kristu. Kano fye mu fya kulumbwilako, “Tata, Mwana, Mupashi wa Mushilo,” takwatalile ukubako umuntu mu Baibele yonse, takwali umuntu nangu umu, uyo watalile ukubatishiwa muli Baibele, mwi Shina Iyakwa “Tata, Mwana, na Mupashi wa Mushilo,” muli cilye cakulumbwilako. Takwali umuntu nangu umu uwatalile ukubatishiwa mu lukuta, mwi Iyashi Iya Kale, pa myaka itatu Iya Kubalilapo ulubali Iwa uku, cila umu alibatishiwe mwi Shina Iyakwa Shikulu Yesu Kristu, mpaka Akabungwe ka Nikaya ku Nikaya, Rome, uko lukuta Iwa Roman Catholic lwabunganishiwe, Iyena balipyanishe ifya kulubwilako ifya kwa “Tata, Mwana, Mupashi wa Mushilo.”

<sup>205</sup> Nga kuliko uwe Iyashi Iya Kale, kapyunga, umuntu uli onse, pa mulabasa, muli tepu, uyo uwinga leta Ilembo limo atemwa Ilyashi Iya Kale limo, uko umu muntu atalile ukubatishiwa umusango umbi ukucila mwi Shina Iyalwa Yesu Kristu, mpaka ulukuta Iwa Roman Catholic ku Nikaya, Rome, imwe na mukwata umulimo ukulileta kuli ine, ine ndi no kuyebelela. Takwaba icintu ica musango ifi. Iyo. Kabili cila muntu uyo wabatishiwe mukwibishiwa, uyo ushabatishiwe mwi Shina Iyakwa Yesu Kristu, aebelwe, ilyo tabalati baye mu Bukata, ukubwekela no kubatishiwa cipyapa cipyapa nakabili. Nombamba cili kuli imwe.

<sup>206</sup> Takwaba Ilembo nangu limo muli Baibele, apo muntu uli onse atalile ukubatishiwa, ukubomfya ishina Iyakwa “Tata, Mwana, na Mupashi wa Mushilo,” nge fyo abantu babatisha ilelo. Cena caba Katolika, icishilano ca Roman Catholic ico caletelwe ukupitila muli Martin Luther, na John Wesley, calitwalilile ukuya pantanshi. Kabili na Baibele yalilandile kabela ukuti cali




no kuba muli ulyo musango, kabili cali no kwisa pwishiwa mu nshiku sha kulekelesha, kabili no mwinshi wali no kwisulwa, nge fyo twapitile fye mu nshita sha lukuta ukumona cena.

<sup>207</sup> Cena cili kuli imwe. Ine ndi fye nkombe iya Mbila. Umuku na umbi, lekeni tuicetekele. Iminshi naisuka. Umwa kubatishisha na mwisula, kabili tapali umulandu... Ilya palya imingila iya teyanishiwa, kabili twalaba abaiteyanya ku kubatisha mu ma miniti ayanono ayalakonkapo.

<sup>208</sup> Nga muli pano kabili tamulabatishiwa, umuku naumbi lekeni twimbe, kabili iseni, bushe tamwacite? Ukufikilisha...

<sup>209</sup> Mwatila, “Ndefwaya ukwisa cita cilya ubushiku bumbi, Munyina Branham.” Bulyo bushiku bumbi kuti wamukumanya nga filya cacicita Munyina Way ulucelo, lelo nalimo ukwabula inkumbu ukubapo, nge fyo caciba. Imwe kuti mwaya miniti ili yonse. Nangula muli baice, nga muli no kubapo inshita yonse iya bushiku, mukaba... Kabili nga muli ne myaka ya kufyalwa amakumi cinelubali, muli no kwisa cila abengi aba myaka ya kufyalwa ikumi, ne kumi limo na isano-, abantu aba myaka ya kufyalwa amakumi yatatu. Amakana aya bena bali no kufwa mu nshita ya bushiku. Cilya cishinka. Imwe tamwishibe iyo muli no kuya.

<sup>210</sup> Beni abashininkisha. Mwisenda ishuko pali cilya. Ibukisheni fye, kuti mwasenda ishuko pa ncito yenu, atemwa imwe ukusenda ishuko pali *ici*. Lelo mwisenda ishuko pali Cilya. Ibukisheni, Ishiwi lyandi likaba ni kambone pa tepu yakwa Lesa iya magnet pa Bushiku bwa Bupingushi, kukanya cena.

<sup>211</sup> Lelo nomba tontonkanyeni pali cena, iyo tuleimba nakabili ne mitwe yesu iya kontamikwa. “Uko Ena...” Munyina Neville. “. . .nkakonka.” 

*UKUBYASHA KWA NYALI IYA KASHIKA*  
*IYA CISHIBILO ICA KWISA KWAKWE BEM63-0623E*  
(The Flashing Red Light Of The Sign Of His Coming)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu icungulo bushiku, June 23, 1963, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nailembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2009 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)